



17
18
19
20
21
22
23
24
25
26
27
28
29
30
31
32
33
34
35
36
37
38
39
40

吉100
854.1
80-27





金石萃編卷七十四

賜進士出身 誥授光祿大夫刑部

唐三十四

少林寺柏谷塢碑

石高三尺二寸八分 廣一尺一寸三寸 十八行行二十二字 正書在少林寺

皇唐太宗文皇帝賜少林寺柏谷塢莊

御書碑

紀

開元神武皇帝


御書額

文見前不錄

少林寺

賜地肆拾頃

賜水碾壹具



金石萃編卷七十四



賜進士出身 誥授光祿大夫刑部右侍郎加七級王勣

唐三十四

少林寺柏谷塢莊碑

石高三尺二寸八分橫廣五尺一寸三
十八行行二十六字正書在少林寺

皇唐太宗文皇帝賜少林寺柏谷塢莊

御書碑

紀

開元神武皇帝

御書額

文見前 不錄

少林寺

賜地肆拾頃 賜水碾壹具

教前件地及礙寺廢之日國司取以置莊寺今既立地等宜並還寺

武德八年二月十五日兼記室參軍臨淄侯房元齡宣

兼主簿元道白奉

教如右請付外奉行謹諮

武德八年二月十五日

二月十六日錄事郭君信受

錄事參軍事師仁付田曹

依諮 此二字行書

陝東道大行臺尚書省 牒少林寺

牒今得京省秦王府牒稱奉 教連寫如右此已

佳

教下洛州并睽秦府留後國司准 教牒至准

教故牒

武德八年正月廿二日令史肯威幹牒

主事

膳部郎中判屯田君允

司戶 賜地肆拾頃 水

磴壹具

膝上伴地及磴被符奉

教前伴地及磴寺廢之

日國司取以量莊寺今既立地等宜並還寺者以狀錄

任即准

教故牒

武德八年二月廿七日史張德威

尉權判丞張開

太宗文皇帝教書一本

御書碑額一本

膝奉

勅付一行師賜少林寺謹牒

開元十一年十一月四日內品官陳忠牒

右栢谷塢碑題云唐太宗文皇帝賜少林寺栢谷塢

莊御書碑記開元神武皇帝御書額所謂碑紀耆即

少林寺碑上所載太宗為秦王時討王世充宣諭寺

僧之文也此碑前錄告文附賜地水碾還寺教書武

德八年二月十五日兼記室參軍臨滿候房元齡宣

又主簿元道自奉行謹諮則系以依諮二字又陝東

道大行臺尚書省牒付少林寺并牒秦府留後則武

德八年二月二十二日也又司直牒少林寺則是月

廿七日也皆列錄事錄事參軍令史主事判屯田史

尉丞姓名後附開元十一年十一月四日內品官陳

忠牒少林寺一行則立碑之年月也或云告文非太

宗書中間行草世民二字則御書耳按諮牒後凡錄

事令史等姓下皆另一筆書名似與告文相類但告
文書法迥出諮牒文上而開元皇帝又御書額以紀
之爲文皇書無疑諮牒文必胥史所作而字畫精拔
如此宜學士大夫以書知名者之多也

金石錄補

少林寺賜田勅

碑高五尺九寸五分廣二尺六寸
六分二十行行五十三字正書

少林寺今得牒稱上件地往因寺莊翻城歸國有大殊
勲據格合得良田一百頃去武德八年二月蒙

勅賜寺前件地爲常住僧田供養僧衆計勲仍少六十
頃至九年爲都維那故惠義不閑 勅意妄注賜地爲

口分田僧等比來知此非理每欲諮改今既有 勅普
令改心請依籍次附爲賜田者又問僧彥等旣云翻城
有勲准格合得賜田當時因何不早陳論翻城之時頭
首是誰復誰委知得款稱但少林及栢谷莊去武德四
年四月翻城歸國其時卽蒙賞物手段准格合得者未
被酬資之閒至五年以寺居僞地愍被廢省僧徒還俗
各從徭役於後以有翻城之功不伏減省上表申訴至
七年七月蒙別 勅少林寺聽依舊置立至八年二月
又蒙別 勅少林寺賜地肆拾頃水碾磴一具前寺廢
之日國司取以置莊寺今旣立地等並宜還寺其教

勅案今並在府縣少林若無功勳卽是雷同廢限以
有勲勩別 勅更聽存立其地旣張頃數

思 勅還僧尋省事原豈非賜田不早改心只是僧等
不閑憲法今謹量審始復申論其灤城僧曇宗志操惠
場等餘僧合寺爲從僧等不願官爵唯求出家行道報
國若論少林功勳與武牢不殊武牢勲賞合地一百頃
自餘合賞物及闕地數不敢重論其地肆拾頃特 勅
還寺旣蒙此賚請爲賜田乞附籍從心又准格以論未
蒙僉賞但以出家之人不求榮利少亦爲足其灤城之
時是誰知委者僞轅州司馬趙孝宰僞羅州縣令劉翁

重及李昌運王少逸等並具委者依問僧彥孝宰等所
在欵稱其人屬遊仙鄉任饒州弋陽縣令無身劉翁重
住在偃師縣李昌運王少逸等二人屬當縣見在者依
狀牒偃師勘問翁重得報稱依追劉重勘問得報稱少
林寺去武德四年四月內衆僧等灤轅州歸國是實當
灤城之時重見在城所志者又追李昌運等問得欵與
翁重牒狀扶同者又問僧彥等旣稱少林僧等爲歸國
有功勳未知寺僧得何官欵稱僧等去武德四年四月
廿七日灤城歸國其月卅日卽蒙 勅書慰勞 勅書
今並見在又至武德八年二月奉 勅還僧地肆拾頃

初書今並見在當時卽授僧等官職但僧等止願出家行道禮拜仰報國恩不取官位其寺僧曇宗蒙授大將軍趙孝宰蒙授上開府李昌運蒙授儀同身並見在者并追在手勅教及還僧地符等勘驗有實者少林僧等先在世充偽地寺經廢省爲其有功翻柏谷塢功績可嘉道俗俱蒙官賞特勅依舊置立其寺寺卽蒙立還地不計俗數足明資田非惑今以狀牒帳次准勅從實改心不得因茲浪有出沒故牒

貞觀六年六月廿九日

丞萬壽 佐董師史吉海

勅麗正殿修書使立內曾普惠開書院普惠開書院
牒少林寺主慧覺 齊道書主曾志誠請給牒慧覺
牒謹連勅白如前事須處分牒東都使中書令判牒東
都留守及河南府并錄勅牒少林寺主檢校了日狀報
勅書額及太宗與寺衆書並分付寺主慧覺師取領者
准判牒所由者此已各牒訖牒至准狀故牒

開元十一年十二月廿一日牒

判官殿中侍御史趙冬曦

用秘書行從印

副使國子祭酒徐堅

中書令都知麗正修書張說

牒刻裴灌少林寺碑陰無書人姓名蓋當時寺僧錄賜田牒由刊石者也書法修整故自可觀其上方刻太宗為秦王時教並武德年月官名曰貞觀六年六月廿九日承萬壽佐董師史吉海開元十一年十二月二十一日牒判官殿中侍御史趙冬曦副使國子祭酒徐堅中書令都知麗正修書張說用秘書行從印唐武德四年太宗文皇帝勅授少林寺栢谷莊立功僧名上座僧善護寺主僧志操都維那僧惠瑒大將軍口口口同立功僧普惠明嵩靈憲普勝智守道

廣智興滿豐

嵩說

牒錄當時賜田緣由勒之于石後題銜有判官殿中侍御史趙冬曦副使國子祭酒徐堅中書令都知麗正修書張說三子為唐顯人並見新書本傳然證之于史冬曦開元初監察御史坐事遷岳州還復官不言為判官殿中侍御史堅自始末歷官亦不言其嘗開元時為國子祭酒書唐而獨見之此牒張說傳下制改麗正書院為集賢殿書院授說院學士知院事舊唐書徐堅傳開元十三年改麗正書院為集賢院百官志開元十一年置麗正院修書置院使今牒在十一年與志既相符而說

卽首膺是任亦已榮矣然不見諸史者史有闕也非是牒後世其孰知之嗚呼此子集錄之勤且煩其有以也夫又容齋三筆唐世符帖文書今存者絕少隆興府摠持寺有一碑凡三牒今按此牒亦足以知唐勅牒之制如此又不獨如洪氏所見也

授堂金石跋

按少林寺裴淮碑陰分上下二截上截刻武德四年太宗賜少林寺教下截刻武德八年及貞觀六年蓋是時少林寺方當重新整理之時觀其開元三年刻戒壇銘至此年又刻此碑則寺主慧覺之爲

功于寺也大矣太宗教書于武德四年旣不與貞觀六年牒同時且不與牒文一類雖同爲開元十一年所刻自當列于武德四年其貞觀六年牒乃本寺賜田所繫故牒尚在中書至是年始奉勅中書判牒東都留守歸于寺僧檢校而後刻石自當繫于是年然其請牒刊石之由碑不復詳記則寺僧之庸可知矣且此牒又尚有可疑者貞觀六年距武德四年祇十一年係太宗及身之事寺有翻城之功太宗親賜教以告諭朝廷豈無人稔知之者何以牒內有詰問當時因何不早陳論之語似

係事隔多年因而反覆辨詰然牒實是貞觀六年所給而請而刻石在開元十一年相距又九十二年何則是皆不能明者姑存而不論云

御史臺精舍碑

碑高四尺一寸廣三尺七寸三分十八行行三十字
唐書題御史臺精舍碑六字篆書在西安府學

大唐御史臺精舍碑銘 并序

中書令崔湜任壘中侍御史日纂文

易曰吉凶悔吝生乎動也傳曰禍福無門惟人所召則蹈網罟嬰微纒聯桁楊貫桎梏可怨天尤人哉左臺精舍者諸御史導羣愚之所作也蓋先生用刑所以彰善

癉惡聖人明罰是以小懲大誡故崇崇泮忘以糺以繩而禮以頑嚚罔知攸又冒于觀瞻貪于以六莽蜂不歌獠友之噬夢之泯之而陷于茲者歲以千計羣公等目而感之乃言曰天墜可逃自咎難追夫能度壹切苦厄者其惟在尊乎所以僉捨衆贊議立斯宇欲令見者勇發道惠勤揆妙根悟有漏之緣證波羅之果櫻珞為施菩薩之尊引衆生塔廟有成天人之護持正凜不有善者人焉賴哉長安初湜始自左補闕拜殿中侍御史至此之日其構適就遊於斯詠於斯誓首於斯咨夫衆寶嚴身非如來之意方丈為室蓋維摩之心故立像不務

於珍華度堂罔圖其豐壯至若丹雘竝棄剗剗都捐則
歸依之心或未多也君子之作其得中焉觀其椽之橐
之是尋是尺倚徂來之松收荆藍之石疊樞駢棋規櫜
架亘錯磐螭以頓椽鏤蹲躐以銜鋪綵窻黠烟丹柱皜
日香泉數曲環繞琉璃之地靈草百品叢蒔黃金之階
信可縈慮洗心逃殃實福為利甚博獲報無量羣公以
予忝支儒之林固以碑表相託辭不獲已而作銘曰
惟佛之國黃金界道乎嗟下人誓不相好胡不歸命以
自保惟佛之士白銀為臺于嗟下人為惡不迴胡不稽
首以進波君子兮福所履於是及長古不日成兮若

開元二年十殿中侍御史梁昇卿造書

猶口口

碑陰及兩側題名

陰高二尺七寸廣二尺五寸三十一行分作三行
每截字數自十二至三十三不等其兩側一行
五十七字十六行行
六十字各不等正書

侍御史并內供奉

盧懷慎

鄭愔

賈虛舟

李福業

張守潔

張行岌

張思義

楊虛受

舟祖雍

崔日用

王踐睦

田貞幹

李 悞 王志愔 崔 琬 姚紹之

李朝隱 孟温禮 李 詳 姬處遜

靳 恒 崔宣道 楊茂謙 袁從之

宋庭璘 薛 昭 黃守禮 倪若水

裴 觀 崔 駭 崔 宣 張損之

韋虛心 蔣欽緒 楊 孚 常彥璋

潘好禮 崔 洫 張 暉 洪子興

慕容珣 齊處冲 任正名 李懷讓

趙履冲 王上客 褚 琛 劉嘉言

霍庭玉 艾敬直 王 旭 康 洫

楊 瑒 吳景訢 崔希高 杜 暹

楊軌臣 郭 震 王執言 游子騫

馮 宗 張 遊 徐知仁 杜令昭

錢元敬 李承家 張 洸 陳希烈

張冠宗 宋 述 朱渭輔 高庭芝

字文融 翟 璋 劉 升 馮紹烈

張 樽 楊 瑤 羅承錫 高夢松

解忠順 張明允 宋 遙 劉彥回

張 珣 長孫處仁 夏侯宜 班景倩

王 琇 姚 賊 封希顏 宋 詢

薛侃侃 張景明 宋温瑗 元彦冲

邊冲寂 張浚 鄭觀藝 雍惟良

韓宣 李濯 李昂 裴曠

長孫孝紀 李知柔 郭虛己 裴敦復

崔季友 竹承構 盧見義 許融

裴曠 裴令臣 王審禮 竹承構

雍惟良 裴歆 張倚 韋伯詳

李高年 張光奇 鮮于仲通 崔口

殿中侍御史并內供奉 崔

崔湜 陸景初 王守康 程行謀 裴澹

封無待 高恂 田貞幹 王與 王志愔

王道洽 辛長孺 呂延祉 馬懷素 張思義

魏奉古 宋慶禮 鄭景復 柳詮 韋抗

楊虛受 張應 傅黃中 楊泊 姬處遜

齊處冲 袁守一 王履道 崔琬 宋庭璘

鄭勉 崔子源 鄭瑤 樊欽貴 趙昇卿

任奉先 李义 韋仲昌 邵炅 李誠

獨孤册 苗延嗣 司馬銓 崔液 陳惠滿

蔣欽緒 韋鏗 格遵 李察 簫嵩

敬昭道 和逢堯 趙履冲 張昭 崔沔

霍庭玉 楊軌臣 李全昌 柳澤 梁渙

翹先冲 崔安儼 杜令昭 李庭口 游子騫

王執言 張遊 貢嘉靜 朱渭輔 王易從

李全交 徐知仁 張敬輿 崔隱甫 李庭誨

李畚 郭震 崔棕 徐元之 杜咸

高力範 王旭 李謹度 宋遙 張冠宗

楊瑒 元光大 張昶 張烈 張搏

康濯 許景先 楊光羽 張浚 羅承錫

劉升 韓瑰 陸景獻 趙冬曦 王沛之

皇甫翼 韓朝宗 馮宗 杜暹 王琇

鄭溥 封希顏 宋温瑗 宇文融 姚斌

宋鼎 焦如璧 張景明 辛怡諫 薛自勸

梁昇州 許融 長孫處仁 劉昂 韋洽

趙頤貞 夏侯宜 李濯 薛珣 元彥冲

崔希逸 馮紹烈 孫濟 李知柔 楊斌

崔季友 長孫孝紀 楊斌 宋宣遠 韓宣

盧怡 何千里 夏侯鈺 劉日心 咸廩業

崔季友 張倚 張晉明 樊希一 薛偏偏

雍惟良 李秀芝 霍栖梧 竹承搆 劉彤

高夢松 康珽 韋恒 張倚 許融

趙彥旺 劉彥回 馬光淑 裴 歆 鄭宏之

李 昂 班景倩 康狄履温 馮光嗣 唐堯臣

李 頽 楊 德魯 宋 詢 王 燾 李 宙

郭 佺 李 麟 郭虛己 李 燈 裴令臣

源光譽 盧見義 裴藏暉 源元樟 楊 汪

徐 暉 陽 潤 姚子彦 吉 温 賀蘭進明

監察御史 并口口口 至下 李顧行 賀遂涉 二人

察字

陸景初 辛長雋 柳 詮 裴子餘 王守廉

司口口 口口口 口口潯 李元敬 路幼玉

王 景 張 佶 李 誠 王 怡 李朝隱

祖夙口 口口口 口從訓 簫 嵩 褚 瓌

李 恂 李懷讓 楊 挺 李庭言 宋庭璘

富嘉謩 陸大亨 譚 璩 齊 澣 柳 澤

郭 震 李 畚 魏傳弓 封 愔 裴 灌

姬處遜 嚴識元 袁從之 苗延嗣 宋宣遠

鄭 溥 趙履冲 林 洋 王沛之 王志愔

韋 鏗 閻存心 陳 璩 陳惠滿 崔希高

張 列 張文遊 王道濬 宋 述 崔 琬

袁守一 邵 炅 李守質 杜 咸 陸惟逸

負嘉靜 楊 瑤 鄧守敬 鄭齊嬰 魏奉古

崔子原 程文英 王 哲 盧微明 楊元瑤

張 嵩 鄭 力 劉 沼 楊軌臣 司馬銓

齊處冲 李尚隱 樂山甫 鄭温琦 蔣 岑

劉 升 程九臯 梁 渙 夏侯宜 趙昇卿

高昌瑀 王上客 洪子輿 竇慈遜 張 晤

陸景獻 韓朝宗 張敬輿 徐元之 鄭 瑤

崔 琮 敬昭道 賈彦璿 李知古 李全交

梁昇卿 楊 斌 朱渭輔 徐知仁 慕容珣

負 峴 李 瑱 韓昭尤 張 法 郭 震

徐 暉 孫 濟 蕭隱之 李如璧 盧 虞

陳希烈 杜 暹 張李瑀 張宣明 蔣 挺

蕭 誠 劉太童 皇甫翼 蕭 誠 王 邱

韋 紹 杜令昭 宋 鼎 崔 液 崔 璋

劉日正 宋温瑗 張景明 羅承錫 翹先冲

崔慎從 宋 遙 慕容琦 鄭虚心 吕元泰

張 珣 杜 昱 韋 洽 崔 訓 楊至元

馬光淑 張 樽 魏季隨 許 融 穆思泰

薛自勸 吕 需 盧 怡 李 謙 盧金友

馮光嗣 高夢松 胡景濟 樊希一 霍庭玉

慕容琦 霍栖梧 盧狄履温 李庭誨 韓琬

崔頌 宋希玉 裴令臣 李珣 吳太元

馮紹烈 竹承構 梁勛 楊光羽 李畚

呂需 苻子璋 崔譚 崔季重 張昶

班景倩 郭佺 何千里 封希顏 韋仲昌

李昂 張具瞻 劉同昇 周擇從 元光謙

宋詢 韋恒 王翼 程烈 李謹度

裴敦復 趙賓 杜庭誠 陳九言 鄭溥

李愷 李秀芝 賈晉 夏侯鈺 張浚

嚴杲 張利貞 房自謙 彭杲 席豫

于瑪卿 馬光淑 楊奉一 李承先 盧襲秀

崔先讓 蕭諒 張環 董琬 王執言

咸虞業 裴令臣 張景明 楊仲昌 姚賊

常無欲 徐履道 李曄 李元成 鄭力

王燾 薛曠 霍栖梧 莫行愔 趙彥暉

李觀 裴葳曄 鄭助 楊育金 宇文融

郭庭倩 何叡 許誠惑 常無欲 苗晉卿

陳伾 張思鼎 張元愔 權徹 薛自勸

元彥冲 孫翊 馬元直 李觀 盧茂伯

郭虛己 劉遵睿 明虛己 姜立祐 薛侃侃

薛榮先	徐建	吳鞏	斐曠	劉綰	雍惟良	王惲	字文順	郭佺	康珽
蔣沆	程荆杞	楊汪	王大鑽	馬思察	裴胤	王翼	靳豫	李紱	徐光期
薛摠	裴季通	陳繇	郭虛己	趙輝庭	陳伍	薛蠟	李昂	張曉	苻子璋
崔	韋誠奢	裴子建	王靈漸	穆庭斐	盧茂伯	房瑄	郭佺	鄔元昌	苗晉卿
	宋若思	平	薛忻	顏真卿	王璿	邵瓊之	賈昇	竹承構	王靈漸

碑陰下層題名

周	康	盧	楊	楊	鄭
韓賞	瀾	執	釗	日休	毓
王維	梁	希	崔	惟一	胡
元	法	于履	寓	賈彥璋	
擣	楊	許	源少良	宋少貞	
豆盧友	惠	論	韋鎰	楊	
	盧	姜紹	王	諫	
	紘		與		
	蔡九臬				

碑中嵌入題名

鄭愚

薛

誠

二人書在并序二字之下

鄭韜會二十七日寓

直

九字二行左行在撰文字下

韋退之

馮

緘

薛

眈

三人書在銘末

庚午歲 三字在開元字之左

碑左棱題名

口 杜 王叔達 王 翼 李志遠 亮兼瓊

吳 鞏 韋 恒 邵 口 王叔達 楊慎矜

達奚珣 房自厚 趙陵陽 周子諒 常從心

韋 芝 康 瀾 鄭欽說 韋叔將 許 遠

沈 震 鮮于仲通 蔡希周 張 口

碑右棱題名

劉初復 崔 寓 姜超羣 呂 述 殷忠趙廣微

李 愔 元孝綽 王元瑾 皇甫侁 李之芳

李彥超 周德遠 韓 賞 王 維 柳 口

口 口 胡晏倩 王 曾 蔣思之 口 琯

口 口

碑陰左棱題名

王 維 趙廣微 李 愔 元孝綽 王元瑾

皇甫侁 李之芳 宋 口 王 縉 崔 寓

劉 芬 蔣思之 周德遠 成 同 孟彦朝

盧 播 張 口 口 口 杜 口

碑陰右棱題名

楊慎矜 姚 闕 崔 冲 李 麟 董 璠

姜立祐 劉濛 陳繇 鄭昭 呂周
明虛己 張景淑 蔣列 王佶 蔣演
鄭審 羅文信 賈賁 趙廣微 李憺
元孝綽 口 口

碑左側題名

郭佺 郭虛己 李昂 盧茂伯 賈昇
盧見義 顏允威 康雲開 鄭宏之 王璿
張利貞 袁楚客 徐履道 汜雲將 李融
郭虛己 李常 李暉 韋恒 裴敦復
裴曠 馬元直 許誠惑 常無欲 李觀

苗晉卿 王大鑛 盧茂伯 王靈漸 賈昇

趙賓 張具瞻 獨孤通理 薛忻 崔譚

王璿 韋虛舟 韋恒 張利貞 蕭諒

徐履道 張思鼎 靳觀 王翼 李紱

張烜 汜雲將 范心則 許誠惑 鄭昉

魏方進 董琬 李暉 賈昇 張具瞻

獨孤通理 趙賓 張子漸 薛忻 王璿

劉遵睿 張秀明 蕭諒 裴葳暉 張利貞

李崗 李解 徐履道 張思鼎 王翼

李紱 汜雲將 楊慎矜 崔冲 張景淑

權徹 姜立祐 李挺之 房自厚 崔譚

劉同昇 杜庭誠 魏方進 呂周 達奚珣

邢巨 李珣 鄭章 趙陵陽 周子諒

常從心 崔灌 庾光先 尹中言 徐浩

李抗 王可觀 王銍 李丹 杜嶠

王掄 崔翰 張重光 李鼎 薛兢

呂指南 黃麟 曾崇穎 李遇 邢巨

竇顯 崔伯陽 陽陟 馬貺 李華

趙悅 楊玘 康羽 李彥允 李暉

張省躬 沈庠 馮損 趙克忠 韋儼

韋之口 李舒 史口 祁順之 杜敏

李口 張瑄 楊口

侍御史兼殿中

碑右側題名

鄭澥 崔堯唐 唐 技 陳會 李元

張萱 劉芬 楊釗 胡晏倩 李彥允

李彥超 王維 柳弈 李抗 崔倫

賀遂回 李必 盧翊 崔審文 趙蕃

崔冲 吳口之 姚閑 賈彥璋 穆庭斐

盧鉉 羅文信 李高年 王伋 張曉

崔倫 李抗 蔡九皋 蔣冽 張光奇

趙輝庭 賀遂回 趙良器 源少良 王鉷

盧執顏 鄭審 楊恂 陽潤 姚子彥

鄔元昌 李光輔 王佶 蘇震 王興

任淳 王光大 司馬垂 羅希真 姜超

蔣演 呂指南 鄭章 鄭炅之 邵瓊之

吳攸 杜孝友 曾崇頴 崔 王興

楊日休 黃 韓賞 楊釗

平冽 鄭欽說 蘇震 獨孤問俗 劉棗

負錫 王端 趙克忠 李彥

沈震 源洧 楊玘

李暄 李舒 張 馮損 蔡希周

韋 李抗 司馬垂 侍御史楊慎矜

穆庭裴 王光大 李彥允 張萱

趙良器 王 鄔元昌 黃麟 劉芬

崔浩 王佶 許遠 李遇 許遠

宋 楊玘 源洧 李彥允

裴周南 王端 張瑄 李抗

元恕 韋黃裳 劉芬 元從 王元

皇甫先 李之芳 監察 房休 崔倫

鄭日進 李 □ 盧 □ □ 楊式南 郭順 □
□ □ □ □ □ □

碑額題名

監察御史

鄭 權 李師素 蕭 佐 常 署 崔 宣

李 抃 皇甫衡 李 樞 楊 翽 羅 讓

賈 全 薛 貢 盧深成 崔 鄆 鄭 衮

韋 璋 鄭膺甫 段平仲 陳 歸 韋 顥

獨孤朗 崔 鄆 □ □ 道 劉元質 馬 暢

韋貞伯 吳 丹 盧 虔 裴 復 孫 革

于 申 徐宏毅 斐次元 盧 侃 李 宣

崔師本 李 儋 唐 武 殷 台 劉師光

嚴 澗 常仲儒

碑陰額題名

知雜侍御史 自天寶元
載已後

孫景商 崔 罕 殷 台 楊嗣復 張士階

楊 泰 路 異 楊慎矜 王 銑 張 瑄

楊 釗 崔 寓 盧執顏 吉 温 顏真卿

裴 寬 竇 華 張惟一 崔 灌 顏允臧

韋審規 韋中立 唐武武 高宏簡 劉獮之

馬錫 姚高榘 鄭昂之 趙口 侍御史楊申

盧虔 監察御史敬騫 平致和 李彤

李鉞 馮邈 羅讓 韋顥 張莒

鄭楚相 裴竦 監察楊翊武 徹 常 著

蔣鍊 長孫繹 寶鞏 邵說 袁澣

王沐

御史臺精舍記崔湜纂梁昇卿書讀其文則湜於佛
可謂篤信者矣唐書列傳云桓彥範等當國畏武三
思使湜陰伺其姦而三思恩寵日盛湜反以彥範等
計告之遂勸三思速殺彥範等以絕人望因薦其外
兄周利正以害彥範等又云湜貶襄州刺史以譙王
事當死賴劉幽球張說救護得免後宰相陷幽求嶺
表諷周利正殺之不果又與太平公主逐張說其餘
傾邪險惡不可勝紀世言佛之徒能以禍福怖小人
使不為惡又為虛語矣以斯記之言驗湜所為可知
也故錄之於此其碑首題名多知名士小字頗佳可
愛也

集古錄

御史臺精舍記唐中書令崔湜撰梁昇卿八分書漢

承秦制御史為丞相貳其後以寺隸之然立精舍以

居書傳所見最先包咸東海立精舍教授在西漢末

顧湜謂此佛之所舍昔漢處摩騰洛陽西建精舍爲始誤也按釋書以靜居爲精舍致一爲精不使雜也古之齋心服形其居必有可默存者今人猶闢屋爲齋謂如齋戒以守獨不可以精舍名乎蕭摹之請興塔寺精舍詎三千石庾子興造佛寺因立精舍嶺南原明僧紹住舛榆山栖雲精舍此皆謂梵所居然書生立學昔傳此名豈致道之所惟精一得之邪昔魏武嘗曰譙東五里卜築精舍秋夏讀書其後徐度折節學問精舍唐僧僧淵立精舍豫章阮孝緒以一鹿車爲精舍徐伯珍立精舍祛蒙山陳寔立精舍講授張郡戴明立黃鵠山竹林精舍張漢直其弟出精舍數里遇之伯珍蒙山立精舍則古人於其居以名自警思致其精也後世便以爲精舍皆寺湜之嗜利蔑學其可責以此哉

廣川書院

漢史列傳具載包咸劉淑植敷李充所立精舍而唐御史臺精舍史闕弗錄蓋彼四人者皆以講授諸生此則以奉浮屠氏故略之耳幸有此碑可存當時故事也

黃文獻

公集

唐史稱梁昇卿善八分東封朝覲碑聲華爲一時冠此帖亦可寶也獨御史臺持憲之地乃立精舍倡諸

繫者禮佛懺悔昔獄吏命祝咎繇范孟博猶非之况
佞佛乎崔中令湜固盛言因利結西方緣矣不知附
禁鬻事發曳銀鑄時佛亦當庇引之否為之一笑州

山人四部稿

此梁昇卿追書崔湜文湜人品殊汚人齒頰而昇卿
尚追書其文何也豈唐世重佞佛湜之立精舍于御
史臺適投時好耶但昇卿分隸聲動一時東封朝覲
碑史冊稱之今觀此碑名不虛耳 碑陰題侍御史
并內供奉殿中侍御史並內供奉監察御史名共六
百餘人參差不齊分書者五六人餘皆正書書有法

不似后世胥吏書也 石墨鐫華

碑陰題名表其上格曰侍御史并內供奉列盧懷慎
等名中格曰殿中侍御史并內供奉列崔湜等名下
格曰監察御史下有一并字不缺不全列陸景初等
名其盧崔陸三人姓名並入分書蓋梁筆也餘則正
書乃後人續書之者 碑額空處前後皆有刻前刻
監察御史及姓名後刻知雜侍御史及姓名有自天
寶元載以後七字按天寶三年始改年為載不當云
元載恐是追書 宋趙彥衛雲麓漫鈔曰唐有三院
御史侍御史謂之臺院殿中侍御史謂之殿院監察

御史謂之監院 讀此文知唐時御史臺有獄又於其旁立精舍援引釋典以勸人回心作善然考之舊唐書開元十四年崔隱甫為御史大夫在職強正無所迴避自貞觀年李乾祐為御史大夫別置臺獄有所鞫訊便輒繫之由是自中丞侍御史以下各自禁人牢扉常滿隱甫引故事奏以為不佞遂掘去之則其獄未幾而廢又言溫造為御史中丞大和二年十一月宮中昭德寺火宰臣兩省京兆尹中尉樞密皆環立於日華門外令神策兵士救之唯臺官不到造奏以臺有繫囚恐緣為姦追集人吏隄防所以至朝

堂在後則又不知何時而復置也

新書隱甫傳云其後患囚往來或病

泄復繫之尉院云

宋時亦有臺獄曾肇記云始自開寶五年

金石文

唐自貞觀中李乾祐為御史大夫別置臺獄囚當訊就近拘繫之其漸也侍御史東西推監察御史糾視刑獄各禁其囚迨武后時來俊臣侯思正皆為御史制獄之外臺獄圜扉恒滿崔隱甫總臺務言于朝掘去於是旁列精舍以釋典懺之崔湜為文梁昇卿書以八分開元十一年勒諸石碑陰列侍御史殿中侍御史監察御史并內供奉銜題名僅盧懷慎崔湜陸

景初三人亦昇卿分書自懷慎以下正書百二十二
人侍御史也自湜以下正書百八十四人殿中侍御
史也自景初以下正書三百四十七人監察御史也
碑額又有天寶元載以後侍御史知雜侍御史監察
御史共五十人而碑之左右椎拓不及焉中有薛侃
侃者二名重文碑凡三見此唐一代所僅有也昇卿
白監察御史歷殿中侍御史遷侍御史再遷太子右

庶子

曝書亭集

朱彞尊云唐自貞觀中李乾祐爲御史大夫別置臺
獄崔隱甫總臺務言于朝掘去于是旁列精舍以釋

典讖之按舊唐書隱甫爲御史大夫在開元十四年
碑云長安初湜自右補闕擢殿中侍御史至止之曰
其構適就是去臺獄作精舍在隱甫爲御史大夫二
十餘年以前何得云自隱甫始也

金石存

文云左臺精舍者諸御史竊羣愚之所作也長安初
湜自左補闕拜殿中侍御史至止之曰其構適就蓋
自武氏稱制告密之法熾羅織之經行日殺無辜如
封羊豕其後周興侯思止來俊臣之徒相繼伏誅用
刑稍平而歲繫臺獄者猶以千計於是執法之吏於
獄旁作精舍假佛法以懺之雖云導人作善道災亦

痛逝者之含冤地下不得已而為資其冥福也

潛研堂金

石文
跋尾

按碑題御史臺精舍長安志載皇城承天門街之西第六橫街之北御史臺元和四年御史臺佛舍火罰直御史李鷹一季俸料此佛舍似卽碑所謂精舍也文為中書令崔湜任殿中侍御史日所纂湜之官中書令在先天元年八月其任殿中侍御史以修三教珠英得遷在神龍以前其罷中書令流竇州在開元元年七月行至荊州賜死此碑立于開元十一年距其篡文之日又十九年不知何

因而追書其文以刻石也書碑者梁昇卿唐書附靠抗傳工八分書歷廣州都督碑陰題名上截凡侍御史并內供奉一百二十二人殿中侍御史并內供奉四百九十七人下截及左右稜不書官位者一百十九人中間攙入鄭韜會二十七日寓直一行左側題一百三十三人右側題侍御史兼殿中一百三十八人碑額題監察御史四十二人碑陰額題知雜事御史五十一人而知雜事御史之下有云自天寶元載已後則非開元十一年一時所刻矣揣其情當由御史臺官因崔湜為中書令

追書湜之文欲刻臺中而未果至開元十一年始
爲刻石距湜之死又十一年矣碑陰題名重複自
再見以至三見四見者不一而足或由前後屢任
則屢書之然亦不盡符合者今撮舉數人與兩唐
書傳攷之如顏真卿再見傳云開元中舉進士四
命爲監察御史遷殿中侍御史轉侍御史据碑侍
御史內不列真卿名殿中待御史及知雜侍御史
有之苗晉卿三見傳載進士擢第由萬年縣尉遷
侍御史此後不云再任御史王維三見傳云開元
九年進士歷監察御史後亦不云再任楊慎矜再
見傳云開元中拜監察御史丁父憂二十六年服
闋累遷侍御史授大理評事攝監察御史數年又
專知雜事天寶二年權判御史中丞是不止于再
任矣餘如鮮于仲通獨孤通理李彥超苗延嗣徐
履道王翼張利貞達奚珣皆再見趙廣微三見李
彥允四見皆無傳可攷無從定其合否大抵此碑
出于吏胥工人之手殆不足深据也題名中凡單
名者姓下闕一格書令與二名者齊此例始見于
此

沁州刺史馮公碑

碑連額高九尺八寸廣三尺八寸五分二十行行三十七字隸書額題大唐故朝散大夫守沁州刺史馮

公之碑十六字

篆書在咸陽縣

崔尚撰

吾聞口君口口古之孝者口口德口口口碑口明

示於後代也故今之孝者馮氏三子道口崇口口口

論口口口口口口口口文曰公諱仁口字口

諱長樂人夫馮文王之靈也畢萬口封于魏文口口

口馮口口口口有自來矣口口流長枝分葉散衣冠入

物史謀存焉曾祖口口口隨官口尚書兵部郎贈銀青

光祿大夫吏部尚書昌黎公諱曰壯武望重一時氣維

千載口口口口外臣嘉遜不仕口壽祖若口口口嗣

貞口于我公復修祖業特有奇稟識密洞微德輝內藏

道氣潛運口可口口口無為口不口俗口口泊其真羣

居冈見其口處會通默養生而浮代莫能知鑿以口守

口口口口口清口之口口口以琴書口娛優哉口口

口口口口所謂逃名避聲口已會景龍口年口口口

口口口公之誠孝精忠道士道力意德靈珠誅參黃石

同心戴舜以為天子口口口口銀青光祿

大夫鴻臚卿莫國公實封三百戶銀印青綬昭其口也

皂蓋朱轡昭其位也口口口昭其口也口口口昭

隸自是名家惜剝蝕不可搨余與王咸陽從碑上錄之王公刻入金石遺文字多舛謬攷道力與劉承祖同事承祖開元十年坐姜皎事配雷州詔百官不得與卜祝之人往來而道力父向爾建碑禍不及耶以道力事不顯故參攷而著之

石墨鐫華

右碑在縣東四十里漢長陵西下里許野中字八分書剝落過半存者儘有可玩近下半入土中北望平行莫識墓之所在拂拭咨蘇辨別形似讀之如右郭監丞當時名筆又分書唐太子右庶子韋維碑古碑考載在京兆向未搜得見是碑亦差慰想並記

咸陽金石

遺文

右沁州刺史馮公碑文多漫漶其篆額云大唐故朝散大夫守沁州刺史馮公之碑凡四行十六字完好可讀此碑歐趙錄皆無之始見於寶刻類編近世金石家題爲池州由未審篆文之故攷唐書地理志池州武德四年以宣州之秋浦南陵三縣置貞觀元年州廢永泰元年復析宣州之秋浦青陽饒州之至德置碑立于開元中其時未有池州也據寶刻類編云碑以開元廿二年立今摩滅莫能辨矣

潛研堂金石文跋尾

按碑題諸家皆作池州今驗碑實是沁州此州元

和郡縣志新唐書地理志所載互異元和志云沁
州陽城郡開皇十六年置大業二年省武德元年
重置新唐書云沁州陽城郡本義寧郡義寧元年
置天寶元年更郡名舊唐書地理志則云隋上黨
郡之沁源縣義寧元年置義寧郡武德元年改爲
沁州天寶元年改沁州爲陽城縣乾元元年復爲
沁州是舊史較詳于元和及新書也要之天寶元
年始改州爲縣此碑立于開元十一年尚有沁州
之名也碑無歲月但据文云以口口十有一年夏
五月庚午終於京邸十有一月十日壬申葬于咸

陽北原末云十日壬申立以通鑑目錄證之開元
十一年十一月壬戌朔則壬申是十一日非十日
此十日字似碑微有泐文當作一日也是歲四月
乙未朔六月甲午朔則五月或乙丑朔或甲子朔
庚午在初六七日也据此是可定爲開元十一年
矣文稱其先世曰馮文王之允也畢萬封于魏云
云語本元和姓纂周文王第五子畢公高之後
畢萬封魏支孫食采于馮城因氏焉碑叙曾祖以
下名諱俱泐無可攷長樂馮氏之列于唐書者惟
附見儒學唐子元傳有云上谷侯行果平陽敬會

真長樂馮朝隱同進講朝隱能推索老莊祕義終
太子右諭德亦開元初人不知于馮公是何輩行
也馮公之子道士馮道力舊唐書元宗紀稱道力
與處士劉承祖皆善于占兆詣上布誠款上乃與
太平公主謀誅韋氏又與寶昌寺僧普潤等定策
誅之蓋定策誅韋氏時普潤在其列道力不與也
新唐書元宗紀則云與道士馮處澄僧普潤定策
討亂處澄似卽道力別名是道力與普潤同定策
矣資治通鑑則云兵部侍郎崔日用素附韋氏與
宗楚客善知楚客謀恐禍及己遣寶昌寺僧普潤
密詣隆基告之勸其速發是但有僧普潤而不及
道士馮道力紀事本末卽引通鑑之文通鑑綱目
則并普潤名削之馮道力兩唐書方技無傳無從
攷其事跡其集法善傳云睿宗卽位法善有冥助
之力可知當時道士之術力傾動人主者非一人
矣道力定策事爲兩史本紀所書則碑所云意得
元珠謀參黃石云云信非虛語書碑者郭謙光集
古錄載崔敬嗣碑景龍二年胡皓撰謙光書稱其
字畫筆法不減韓蔡李史匹家而名獨不著是又
不獨書韋維碑也

金石萃編卷七十四終

金石萃編卷七十五

賜進士出身 誥授光祿大夫刑部右侍郎加七級王昶撰

唐二十五

高延福墓誌

石高廣俱二尺一寸五分二
十七行行二十七字行書

大唐故中大夫守內侍上柱國渤海高府君墓誌銘 并

序

麗正殿修撰學士校書郎孫翌字季良撰

夫勞息之理達人一之然時當 大明職近

皇位父子併肩而事 主君臣同體而多歡而

金石錄卷之十三
萬石之慶一朝無怙可不悲矣府君諱福字返福渤海人也啓土受氏明諸典箚曾祖權祖祖父護並祔如石焉厥有全揆安時處順憂患不能入懲忿窒慾軒冕莫之榮且豕貴隨時雅明尊祖我府君始議從政有光前烈傳曰九變復貫知言之選此之謂矣府君幼而晦名長而藏用體敬仲之慎兼伯楚之忠解褐拜文林郎守奚官丞秩滿遷本局令稍轉宮闈令兼謁者監竊以聖人之教父因子貴府君之寵嗣曰力士 我大君之信臣也頃國步多艱而守謀立應以功拜右監門大將軍兼食本邑盡力 王室志存匡輔元勳爛然

天眷攸屬府君以大將軍之故特拜朝議大夫守內侍員外置尋遷中大夫心除本官出入四代凡更六職行不違仁言必合禮由是無黜憤無怨尤恭而能和簡而且肅德着於宮掖名成乎寮友而稟命不融識者歎歎以開元十一年十二月廿五日終于耒庭里之私第春秋六十有三大斂之日 天王遣中使臨弔賜絹三百匹明年太歲在甲子正月壬戌朔廿一日壬午遷窆於京兆府白鹿原之西隅禮也緣喪事儀衛並皆官給可謂哀榮始終禮洎泉壤初府君旁通物情往往造極以爲生者神之主死者神之歸歸乎本真曷

足懷也乃謀龜筮相川原經兆域畚封塹自爲安神之
所而松檟蒼然矣君子謂高公於是乎知命府君自公
之餘存乎上善每持專一之行深人不二之門範聖容
寫真偈雖衣食所窘此心不易斯又迴嚮之能事也將
軍茹荼長跼哀述舊德竊慙不敏敢讓其詞銘曰
佳城一閉兮三千年棘入藥藥兮窮泉出郭門而一
望兮見隴樹之生煙君寧見賓御之惻然皆撫墳而涕
漣

右內侍高福墓誌按唐書力士傳力士本馮盎之曾
孫中人高延福養爲子史不云名福者以字行也碑

云頃國步多艱而守謀立順謂誅蕭岑等功也尹知

章傳季良偃師人一名翌仕歷左拾遺集賢院直學
士趙冬曦傳與校書郎孫季良入集賢院修撰碑稱
麗正殿修撰學士者開元十三年始改麗正修書院
爲集賢殿書院其時尚未改名也季良以字行故書

名兼及其字

潛研堂金
石文跋尾

福字延福武后時中人初爲奚官局丞轉局令再轉
官闈局令兼內謁者監以養子力士貴拜中大夫守
內侍上柱國新書力士傳云力士幼與母麥相失後
嶺南節度使得之隴州帝爲封越國夫人而追贈其

父廣州大都督延福與妻侍養亦與麥均舊書云力士義父高延福夫妻正授供奉與碑稱仿佛皆合力士以誅蕭岑功拜右監門衛將軍碑云大將軍蓋史是唐制左右監門衛大將軍正三品將軍從三品力士之封大將軍在天寶初此時未得稱此也中官以內侍爲最貴內侍拜將軍自開元以前無之唐六典云中官之貴極于內侍若有殊勛懋績則有拜大將軍者然仍兼木職六典作于是時殆卽因此等事言之耳 此碑向在農家幾爲柱礎者數矣乾隆辛丑五月余以二萬錢購得之今移置于靈巖山館

關中金石

記

張說爲高力士撰祭父文云小子不天夙齡凶閔身嬰寇剽家值虜裂幸充掃洒遂蒙侍從又云阿母遠至於京華妹兄自拔於泥滓與新唐書力士本傳語合而如孫翌墓志則一字不提直云聖人之教父因子貴府君之寵嗣曰力士云云殊失紀實之道然據張說云云則力士特一粵東姓馮者耳而力士碑乃妄以爲馮益之後則非也

蛾術編

按碑云府君諱福字延福兩唐書高力士傳俱直作高延福舊唐書傳云高力士潘州人本姓馮少

闔與同類金剛二人聖歷二年嶺南討擊使李千
里進入官則天令給事左右後因小過撻而逐之
內官高延福收爲假子延福出自武三思家力士
遂往來三思第開元初力士加右監門衛將軍知
內侍省事義父高延福夫妻已授供奉嶺南節度
使於潘州求其本母麥氏送長安令兩媪在堂備
于甘脆金吾大將軍程伯獻與力士結爲兄弟麥
氏亡伯獻於靈筵散髮具縗經受賓弔答十七年
贈力士父廣州都督麥氏越國夫人新書傳云高
力士馮益曾孫也力士幼與母麥相失後嶺南節

度使得之隴州迎還不復記識母曰曾育七黑子

在否力士袒示之如言母出金環曰兒所服者乃

相持號慟餘典舊史同新書馮益傳益字明達高州良

德人隨煬帝時拜漢陽太守遷左武衛大將軍隨

亾奔還嶺表據有番禺蒼梧朱崖地自號總管武

德五年降高祖授上柱國高州總管封越國公子

智戴春州刺史智彧東合州刺史益徙封耿益卒

贈左驍衛大將軍荊州都督子三十人据傳稱力

士爲益之曾孫据馮君衡墓誌銘張說撰詳下文則力士

爲益次子智玳之孫君衡之子不知因何君衡亡

後寇剽虜裂致有麥氏與力士母子相失之事碑
云聖人之教父因子貴府君之寵嗣曰力士蓋不
直言繼子也攷張燕公集有內侍高君神道碑則
云內侍高延福者將軍力士之嗣父也將軍本系
馮亭代家南越未知父母來奉宮闈老而無子曰
悲幼而失親曰苦父子之名既定姓氏之目因移
至矣哉高氏之子以思親之願而展親以欲報之
誠而報德乃有傍求聖善提挈炎州二紀積離萬
里遙至音容莫識涕對茫然驗七星於子心認雙
環於母臂於是盡歡兩媪兼敬三人羣公賀虞潭

之親天子恤馮勤之母內侍享年六十有四開元
十二年終于來庭里明年五月葬于長樂原繼子
力士喪孺慕而加等葬罄誠而備物云云此文較
碑爲詳覈且可與兩史傳所載馮氏父母事互相
發明也惟是享年六十四碑作六十三開元十二
年終于來庭里碑作十一年明年五月葬于長樂
原碑作正月彼此不同据碑云太歲在甲子正月
壬戌朔廿一日壬午以通鑑目錄推之甲子歲是
開元十二年爲高福卒之明年是歲二月辛卯朔
正月是壬戌朔與碑合則燕公集傳刻誤也碑云

遷窆于京兆府白鹿原之西隅燕公撰神道碑作
長樂原按元和郡縣志白鹿原在京兆萬年縣東
二十里長安志云在縣東南二十里至長安志有
長樂坡無長樂原疑即長樂坡在長安縣東北一
十里卽澠水之西岸十道志曰舊名澠阪隋文帝
惡之改曰長樂坡漢長樂宮在其西北也是長樂
坡與白鹿原道里有東南東北之別則未詳孰是
矣碑云謀龜筮相川原經兆域畚封塋自爲安神
之所松檟蒼然此蓋自營生塋也墓志記生塋始
見于此力士之本生父馮君亦見張燕公集有贈
潘州刺史馮君神道碑云公諱君衡文苑英華字無君字
正平祖益二子知璣新唐書馮益傳作智戴高州刺史傳作春州
子知玳傳作智玳恩州刺史傳作東合州公荊州之孫恩州
之子開元十七年五月十二日薨于西京來庭里
粵八月二十二日文苑英華作二十六日安厝于長樂原之
新城英華作城恩詔追贈潘州刺史招魂而合葬焉此
文亦可與高福碑誌及兩史傳互相發明因附錄
之招魂合葬事亦始見此文

淨業法師塔銘

石高二尺六寸廣二尺八寸二十六行
行二十四字正書在長安縣香積寺

大唐龍興大德香積寺主淨業法師靈塔銘 并序

心字畢彥雄文

禪月西隱戒燈東炤談真利俗稀代稱賢智炬增輝法
師一人矣法師諱象字淨業趙姓族著天水代家南陽
冠冕相輝才名繼美因官從屬今爲京兆人也父廸天
馬監沉默攸傳安畀適務時英間出弈棊於儒門從法
化生獨鍾於釋子法師卽監之仲子也器宇恢疑風儀
宏偉長河毓量汪然括地之姿秀岳標形峻矣千天之
氣髣年慕法弱冠辭榮 高宗忌辰方階落彩帔緇

七日旋登法座觀經疑論剖析元微念定生因抑揚理
要法師夙棹元津早開靈鍵入如來密藏踐菩薩之空
門凡所闡揚無不悅可歎未曾有發菩提心稟其歸戒
者日逾千計法師博濟冥懷沖用利物嘗以大碓旣沒
法僧爲本每至元正創啓周飾淨場廣延高僧轉讀真
誥游興勝會法服精鮮受用道資出於百品預茲位者
應其成數所施之物各發一願願力宏博量其志焉風
雨不已廿餘載菩薩以定慧力而大捨法財此之謂也
無適非可住必營建厥功居多思力如竭粵延和元年
龍集壬子而身見微疾心清志凝夫依風以興隨煙而
散來旣無所去復何歸夏六月十五日誠誨門賢端坐

盥視念佛告滅嗚呼生歷五十有八卽以其年十月廿五日陪窆于神禾原大善導園梨域內崇靈塔也道俗闐湊號惋盈衢不可制止者億百千矣門人思頊等乃追芳舊簡撫美遺編永言風軌思崇前迹空留鎖骨之形敢勒銖衣之石其銘曰
佛日旣隱賢雲乃生傳持正法必寄時英時英伊何猗嗟上人捐軀利物愛道忘身磨而不磷涅而不緇博濟羣有是真法師定慧通悟檀那上施願力宏廣成無住義應真而來代謝而往哀哀門人撫膺何仰靈德若在休風可想敢勒遺塵銘徵泉壤

開元十二年甲子之歲六月十五日建

正字畢彥雄撰文而無書者名正書法亦習褚登善者楊修齡侍御在長安日亟賞之遂多搨者

石墨鐫華

碑云師以延和元年六月見微疾而告滅按睿宗景

雲三年正月改元太極五月改元延和八月元宗卽

位改元先天一年之中二次改元故司馬公通鑑冠

以先天而太極延和則附見于其後乃紀事法也若

此碑直序法師寂滅之時適當延和初改則以爲延

和元年而已

金石錄補

淨業姓趙氏父廸爲天馬監唐書百官志太僕之屬

有沙苑樓煩天馬監開元二十三年廢卽其職也字

書無廸字蓋廸之別潛研堂金石文跋尾

號國公楊花臺銘

序石高八寸五分廣二尺二寸二十五行行九字銘石高一尺廣二尺五寸七分十九行行八字並正書在西安府花塔寺

彌國公楊花臺銘 并序

判官亳州臨渙縣尉申啓液撰

原夫真性卽空從色聲而有相道源無體因法教以泐流所以人天捨千萬之資神鬼建由旬之塔金衣紺髮盡留多寶之臺銀疊青蓮並入真珠之藏湛然釋氏一

千餘年輔國大將軍彌國公楊等皆 天子貴臣忠

義盡節布衣脫粟將軍有丞相之風牛車鹿裘驃騎減中人之產爰抽淨俸申莊嚴之事也華簷覆像盡垂交

露之珠玉砌連龕更飾確黃之寶風箏逸韻飛妙響於天宮花雨依微灑輕香於世界猶恐蓬萊兼變石折不

周仍雙長者之經必勒輪王之偈書工紀事廸爲銘曰昭昭大覺巍巍聖功身融剎海願洽虛空閑衆趣以室

惕闡靈門以包蒙物成緣而必應理無幽而不通有美至人股肱良臣受 聖寄任聞難經綸英謀貫古韜略

通神一蒙 金鉞屢建華勛善代不伐功成不居功歸

天子善託真如乃貢靈相用荅冥符

佛心雖

空 佛福常在顏普此因同臻性海

開元十二年十月八日

右銘題云虢國公楊花臺銘并序判官亳州臨渙縣尉申屠液撰而無書人姓氏及建碑年月碑係裴成銘詞脫落殊為可恨按序云輔國將軍虢國公楊等皆天子貴臣忠義盡節爰抽淨俸申庄嚴之事也似非一人獨鐫佛像而不具姓名即虢國公有姓不名而題額中楊花二字連及殆所弗解然臺名楊花亦風韻可喜不必深求之也 又碑有銘無序題云楊

將軍新庄像銘不具名與字

金石錄補

按題曰揚花臺銘并序今有序無銘疑別有銘遺亡不存耳金石文字記載虢國公主花臺銘顧林亭所記最為精確不知此碑何謀乃爾又此銘無年月楊將軍新庄像銘乃開元十二年以俱在花塔寺故記於此 西安府南門內花塔寺各種銘讚俱書於石佛座下諸佛悉在殿之後簷及後殿之前簷寺僧云石佛舊在塔內塔毀重修不復安塔中故安於殿前後耳

雍州金石記

石虢國公楊花臺銘虢國公楊者內侍楊思勗也書

姓不書名蓋碑之變例文爲亳州臨渙縣尉申屠液
撰唐志亳州無臨渙縣亦史之闕也

潛研堂金石文跋尾

虢國公者楊思勗也思勗以開元十二年平覃行章
進輔國大將軍封虢國公像卽其時造也是銘爲二
石前石有序無銘自廿二行乃爲銘曰以後但署撰
人姓名而無歲月後石有銘無序自十七行以後記
開元歲月而無撰人二石寔是一物舊分爲二者誤

也 關中金石記

予友趙君晉齋有此碑題云虢國公楊花臺銘并序
而銘曰之後卽署判官亳州臨渙縣尉申屠液撰原

無銘詞非脫落也揚花揚字不從木蓋卽散花之義
碑云花雨依微灑輕香于世界是已前又有一碑卽
楊將軍新莊像銘也後云開元十二年十月八日無
書撰人姓名書仿褚河南與臺銘如出一手而碑之
大小亦相等予疑像銘之楊將軍卽臺銘之虢國公
楊因檢舊唐書宦官楊思勗傳開元初安南首領梅
元成叛詔思勗討之卒斬元成十二年五谿首領覃
行璋作亂思勗復受詔討之生擒行璋以軍功累加
輔國大將軍後從東封加驃騎大將軍封虢國公則
此二碑均屬思勗明矣像銘刻于開元十二年在討

行璋之後故云受聖寄任聞難經綸英謀貫古韜略
通神一蒙金鉞屢建華勛善代不伐功成不居功歸
天子善託真如蓋紀其事也考元宗本紀討行璋時
思勗官書鎮國將軍故此碑題曰楊將軍其臺銘稱
輔國大將軍虢國公及云牛車鹿裘驃騎城中人之
產當刻于十三年東封以後也按顧氏金石文字記
云虢國公主花臺銘在西安府南門內華塔寺以揚
作主亭林親至碑所不應舛謬至此當由亭林文集
刻于身後校讐疎略偶然筆誤耳近時秀水李子中
氏刻金石考略引用古林金石表遂引唐書順宗女
虢國公主以實之竟以申屠液爲順宗時人訛以滋
訛幾成信讞此孟子所以有不如無書之歎也碑中
布衣脫粟有丞相之風相字失寫旁添想字思勗本
姓蘇羅州石城人爲內官楊氏所養因姓楊氏史稱
其殘忍好殺奉命殺牛仙童至探取其心截去手足
割而啖之其慘酷至此乃建塔造像以邀冥祐亦愚
矣哉

鮑廷博跋

按花塔寺陝西通志寶慶寺在咸寧縣安仁坊俗
名花塔隋仁壽初建隋文帝唐中宗嘗臨幸焉文
宗感蛤蜊觀音像建五色塔此卽花塔寺之所由

名也然未建五色塔以前先有花臺并有此碑通志皆不詳長安志亦不載此寺及中宗臨幸文宗建塔事皆漏略也昶在西安常過此寺摩挲此碑又零星所得殘碑凡十三種嵌之于左右故得其詳碑題亳州臨渙縣尉申屠液撰潛研跋云唐志其亳州無臨渙縣謂史之闕按新唐書地理志臨渙縣載在宿州元和郡縣志云本漢鉅縣梁普通中置臨渙郡以臨渙水爲名後魏改爲渙北縣高齊改臨渙縣屬譙郡大業二年改屬亳州武德四年屬譙州貞觀十七年廢譙州縣隸亳州舊唐書地理志云隋置譙州領縣四貞觀十七年省以臨渙永城山桑屬亳州臨渙縣本治經城十七年移治所于廢譙州元和九年割入宿州此新書所以載入宿州也文云華薈覆像盡垂交露之珠玉砌連龕更飾雄黃之寶此語正謂花臺也華薈者花也連龕者臺也麓山寺碑云誦習山頂創立花臺要皆當時佛寺之制可與此花臺作證然則謂臺名楊花風韻可喜又謂楊花當作楊花卽散花之義者似皆曲解此碑舊以序與銘誤分爲二今更正之序後卽與銘連屬而以諸跋列於銘後

涼國長公主碑

碑連額高一丈三尺四寸廣六尺三寸八分十八行
行四十五字隸書額題大唐故涼國長公主碑文篆
書首行撰人銜名
正書在蒲城縣

御書

銀青光祿大夫守禮部尚書上柱國

口

乾坤既將豕為攸配變則成女終於歸妹惟長公主乎

公主諱窈字花

我興家邦天錫

宗社

昌運及五

聖直享鴻名

聖期至六神武

膺駿命道

焉網緼構極倬彼雲

漢的漑燦春華如桃李順顏承志約禮知節得繭館從

蠶之儀採公宮習

史

之藝載瞻湯沐爰賦井田其

創也

與多於僊源其徒也稱長於涼國故丞相虞公太原温

彥博曾孫曦台傑門闕風流儒

雅僉

諧是圖

歷選伊

尚

君子至止碩人其頤協時之吉備典之實雜珮明璫

衣錦裳熒熒煌煌有秀有芳居

迴曠

以虹倚

動羣

超而

翠翔媛成

蕭雍候

守祿位貴則能降降而不驕勞而在

勤勤則不匱未嘗有也

皇嘉之

而

謂日台

和吹

樂變

乎風揮五絃之

盡

美觀百物之從令欲同聽乃親

故特傳於汝公主清揚神潔妙

指心閑

猶白雪之詞

冥

通則應類青谿之曲多領悟皆賞初榮賜以得後誠盈

而散思過魯元王豈上邑寵逾賈太帝

豈口口每絕館陶之祈自無昭平之贖粹溫而敏靜好

而詳以北渚之愁若何西方之聖如是大修圓果架入

至空竟而瑞草淪霜桂枝辭月開元十二載八月辛巳

遘疾薨於京邸永嘉里第享年卅八嗚呼哀哉上撒懸

入悼臨次增涕京尹護喪群司歲事其年仲冬壬午陪

葬于橋陵生資敬愛歿効充奉蕭史樓中鳳音何

望軒轅臺下龍口乃攀子西華等扶杖而立茹

荼以泣潺湲赴賓憫默觀者羽葆容裔翰林酸嘶又昭

乎遺風誰著練簡垂厥後代諒憑刊刻豐碑口立磨

親紆捧戴則奔馳四靈光華則迴薄七曜明山可轉况

連於銑釜麤圃惟積重錯於琅玕俾銅縷之湮沉由寶

書而飛動禮臣不佞敢作銘曰

天其有章銀漢玉潢我則有祥霄明燭光柔祇不忒芳

問允塞何彼穠矣其儀是則鳳凰于飛公子同歸琴瑟

在御德音莫違何茲寥之繫秋兮獨杳杳之響夜何闇

忽之誰忍兮痛明靈之不借清霜晶月楚挽將發流吹

結雲秦聲不聞惟口口兮固金石噫長口兮森松柏口

以悼之兮長不斲

右唐涼國長公主碑蘇頲撰明皇書公主睿宗女也
新唐書列傳云字華莊而碑云諱窈字花粧傳云下
嫁薛伯陽而碑云嫁温彦博曾孫曦按新史睿宗第
三女荆山公主已嫁薛伯陽當以碑為正金石錄
右涼國長公主碑碑辭大半可讀攷之唐史睿宗第
六女字華莊始封仙源下嫁薛伯陽今碑內封爵先
後同而字乃從花粧非華莊也又稱歸故丞相虞公
温彦博曾孫曦及攷彦博傳曾孫曦尚涼國長公主
伯陽傳尚仙源公主坐父稷誅流嶺表自殺然則公
主固嫁薛伯陽再嫁温曦史遺曦而碑諱伯陽也并

山人稿

其文有云開元十二載八月辛丑薨于京永嘉里第
按唐書天寶二年正月丙辰朔改年為載而此在其
前二十年已云載矣蓋文字中偶一用之後乃施之

詔令符牒耳金石文

公主睿宗第六女名窈字華莊元美謂碑為華莊史
作花莊而不言名子函石墨鐫華直以字為名二公
似俱未見其碑也余嘗從叔兄至奉先遊唐諸陵歸
而得數碑此石臥草間字跡完好如新于時恨楮墨
不具後遣工掘得已為土人擊朴損半恐一經採訪

官使或搨不勝誅求故也

金石史

按此碑金石錄云是蘇頲撰碑題但有結銜云銀青光祿大夫守禮部尚書上柱國而泐其姓名兩唐書頲傳皆云開元八年罷為禮部尚書俄知益州大都督府長史十三年從駕東封撰朝覲碑文又知吏部選事此碑立于十二年仲冬則其時已還京師乃得為公主撰文然傳竟不言頲之還京在于何年傳之畧也文多闕泐賴文苑英華有此文取以校補其碑有而英華無者是英華小有刪節不足深論首句乾坤既將義不可曉英華作乾坤既分則文義晰矣碑云公主諱窈字花粧英華云諱窈字某其不能詳者何也窈廣韻奴鈎切爾雅釋獸註江東呼兔子曰鱈集韻云鱈或作窈公主以是命名似亦小名之類故英華不著也碑云開元十二載八月辛丑遭疾英華作八月辛巳据通鑑目錄八月是丁亥朔則辛巳在七月英華誤也

華山銘殘字

隸書只四字
在華陰嶽廟

駕如陽孕

明皇華山銘殘字今只存駕如陽孕四字駕如者仙
駕如聞句也陽孕者陰陽孕育句也碑為黃巢所燬
故自歐趙以來不著錄關中金石記

華山銘明皇御製并八分書開元十二年十一月今

惟存四字亦殘闕錢大昭金石錄

乙速孤行儼碑

碑高九尺二寸廣三尺九寸三十行行六十七字隸書額題右武衛將軍乙速孤府君碑銘十二字篆書在醴泉縣叱干村

大唐故右武衛將軍上柱國乙速孤府君碑銘

正議□□□秘書監修文□學士兼修國史上柱國

劉憲撰

朝議郎行秘書郎白羲暉書

□□□□文德而競□陰之□功配陽□□□利

用厚生□□□古以來折衝禦侮之材何代蔑有秦之

強也起翦恬費用其兵漢之盛也辛李衛霍為其將

大唐操計□□□陳帶甲百萬□鉞□七其有中分摩

下□堂堂正正之師□□敵國負赳赳桓桓之稱者在

於乙速孤府君矣公諱行儼字行儼本姓王氏太原人

也五代祖有功於魏□□□焉因居京兆之醴泉縣

王子晉之□仙□□□車千秋之作相重錫華宗家

何代而乏賢人何時而不貴曾祖安齊前鋒都督右武
 候右六府驃騎將軍開府儀同三司□□□州刺史
 隨益州□□襲封和仁郡□國公□孝移忠還虞事夏
 司馬安之四至晏平仲之十心祖晟 皇朝上開府
 右武侯右甘府左車騎將軍驃騎將軍威□□□□
 □用功叅□將寵盛興□父神慶右虞□副率檢校右
 □□□衛將軍氣岸瓌傑志力雄武持軍以禮陰德有
 徵才子挺生將門斯在公鍾家代之休烈奉韜鈴之成
 訓鵬□□於霄漢□□溢於風颺得□灑於□□習軍
 容於嬉戲子房智勇□其無敵卻縠詩書頗亦兼諳永

徽中司成生擢第剛慶中丁父憂性實過人俯而就禮

麟德初授宣德□號□府□□參軍事□□□□□

□□□其間首席□□咸亨元年以將門子弟授振

威拔叙守普濟府左果毅都尉丁太夫人憂尖泣之節

饘粥之數復如居府君之喪儀鳳二年 勅除興

國府右果毅都尉鎮河源軍定州道□□河陽橋

拱二年授游擊將軍黃城府左果毅都尉致果為毅□

戎以律洗兵鹽澤秣馬中山護濁河之橋縮黃圖之府

智謀洋溢威武紛□□靜朔垂□□雄京邑□□元年

制除朝散大夫縣州司馬天授二年加朝議大夫長壽

二年除資州長史延載元年加中散大夫題輿縣口辰
口資中風俗所同政教如壹口口元年 制除使持節
萬州諸軍事萬州刺史萬歲通天元年 制加中大夫
二年加大中大夫其年檢拔永州刺史聖曆二年授使
持節督都夔歸忠萬渝涪口等七州諸軍事守夔州刺
史三年授使持節都督廣韶端康封岡等口二州諸軍
事守廣州刺史長安三年授使持節泉州諸軍事守泉
州刺史神龍元年授使持節都督黔口沅等州諸軍事
守黔州刺史其年加正議大夫神授政理口材天挺公
侯之表故能方州典郡盡周官牧伯之尊越海凌山窮
禹貢荆揚之域控御數千里周旋廿年化洽夷夏功口
口口口口祠之口口口口畏清酒之盟于今口口神
龍二年 墨制授忠武將軍守右武衛將軍員外置同
正員特 勅停南衙上下專委北軍事羽林之任

歷代爲口口口口而後安名宋口而先口以公確乎忠
信厲然壯勇口命卿之秩掌孤兒之軍宿衛陞殿而逾
巖徼巡巖廊而匪懈壘垣增肅軒禁穆清錫御府之金
錢分大官之玉食口殊口所逮口中使相望口口口持
戟筋力爲倦輸節竭誠心術俱盡神用疲而致損勝理
勞而生疾其歲夏中遇病廳事半體口癢經時未瘳顏

休攝於家庭遂遲迴於
闕陳情拜疏理切詞殫
感宸衷特聽致仕仍褒美績更惜羸痾
睿旨殷勤形乎綽翰公結袂而辭
雲陞投迹而返私門懸廣德之安車施仲翁之行馬仙方上藥
性而延齡芳醞嘉羞且忘憂而
公絜糶息靈命昆弟之子令從
爲嗣鞠育俾於己生仕爲太子通事舍人聖外氏累左
除溱州扶驩縣令公天屬爲重旣切猶子之慈門寄所
鍾何深舐犢之念亦旣離
舊疾暴增春蠶七十有二
景龍元年十二月十五日薨于大寧里第嗚呼哀哉惟
公盛德溫恭雅懷寬肅行
文飾言不浮華出身入仕
之惡無所記可疑之地投足莫踐弗稽之謀摺心所絕
親友信而敬之老少安而懷之唯汲汲以行仁豈遑遑
而求利防衛之際屢有奇功撫字之方
彰靈感公之在永州也屬時
不登土人多餒罄倉儲而罕瞻摺山
谷而無資所部界中縈饒籬竹盤根合翠弥漫蒼然忽
於一朝結實咸編若五穀之
油然可觀比千箱之
詠
給人皆
盈路公仍持數石奏進
京師
聖旨咨嗟歎其靈味公之在夔州也隣界不虞
羣蠻
擾侵軼城郭殘傷吏人公不俟
制命
致

討威靈震蕩氣□□清稽顙咽於□□□□於江水
天朝命將甫戒於師期邊郡飛書已聞於戰捷雖耿
弁之不遺賊於君父亦□□以□茲時嘉乃□□□慰
勉□□之□□□□長遺□□□□日吾遭遇□□
□□卅餘載恨無以報不□絲毫有負於 聖朝家業
素貧喪葬所須務從節儉勿違吾平生志也所樹碑務
令□實無爲虛□□□吾真爾□唯清唯慎勿矜勿伐
則吾死而無恨矣夫人常樂縣君賀若氏宋公弼之姪
孫開州刺史懷武之第六女門宗之□鐘鼎連華家室
之歡□□齊契春秋五十一證聖元年八月五日亡於

萬州官舍維景龍二年歲次景申二月辛卯朔十六日
景午合葬於雍州醴泉縣白鹿鄉李中川先府君之塋
次禮也嗣子令從叫叫穹蒼哀哀霜露永□言誓終身
奉行子壻右□衛鎧曹參軍安□梁望之代業通家□
賢長者冰清玉潤常懷國士之恩石字金書顯託中郎
之筆□□□□乃作銘云 公侯子孫必復其始
將門有將其來久矣伊我將軍□代爲□壯勇傑出威
稜峻峙文則□良六條千里武以待衛巖除軍壘黃霸
匪儔宋□寧擬中外從□□勤止年至禮優神□疾
起□□終□令問不□□□伏波誠其兒子

大唐開元十三年歲次乙丑口月景辰朔十六日辛
未令從自曹州濟陰縣令秩滿建 渤海徐元禮鐫
行儼字行儼神慶子也墓相去不十餘步二碑并峙
余皆摩之而因以知神慶尚有子行儼仕爲右武衛
將軍也碑爲劉憲撰白羲暉分書攷歐陽公有神慶
碑而未見行儼碑且前碑五代祖五字甚明而公以
爲闕文或所見偶闕本耳

石壘
鐫華

林同人曰趙子函以萬歷戊午遊昭陵家本秦又得
賢主人極搜討之樂顧瞻低徊穹碑豐碣仆者起之
埋者出之百六十殘篇斷簡猶二十餘種至崇禎丁

丑方二十年苟公好善修醴泉縣志所載昭陵碑曰
悉同趙子函所見又二十八年爲康熙甲辰余過昭
陵經鼎革之後耳目非舊而余乃倩工搜搨僅得英
衛房馬諸公十六碑字之存者已不能如趙公所云
耳後予重遊西涼過關中時秦方大饑百里斷人烟
昭陵一徑化爲萑苻之藪行旅裹足竊意前所存十
六碑將復沉沒於寒烟衰草中後人不得而見也每
翻閱碑本愈加珍重作爲昭陵石蹟考略三卷

來齋
金石

刻考
略

右右武衛將軍乙速孤行儼碑金石錄所載又有乙

金石錄卷之十三
速孤晟碑今已亡矣惟神慶父子兩碑巋然獨存乙
速孤氏名不見于正史而家世譜系更千百年班班
可考古人欲揚其親而刻石以託不朽詎無益哉行
儼以神龍二年墨制授右武衛將軍員外置同正員
墨制猶云墨勅不由中書門下而出自禁中者也中
宗之世政出多門後宮貴戚墨勅斜封凡員外同正
試攝檢校判知官大都以賄得之行儼殆亦以賄進
歟普濟興國黃城三軍府之名唐書地理志皆無之
予嘗得田義起石浮圖頌始知興國為雍州百三十
一府之一其二府則未知其在何州也

潛研堂金石文跋尾

行儼神慶之子于高宗時為普濟府左果毅垂拱初

為黃城府左果毅新唐書地理志不載二府名未詳

所屬碑稱顯慶為明慶避中宗諱改

關中金石記

按乙速孤元和姓纂云代人隨魏南徙魏書官氏

志獨不載此姓北史節義傳有乙速孤佛保者孝

武帝時為直閭將軍從入關封蒲子縣公大統初

梁將蘭欽陷漢中佛保時為都督力戰死見于史

傳者惟此一人此碑撰者為劉憲新唐書文藝傳

憲字元度宋州寧陵人武后末出為渝州刺史除

太僕少卿修國史兼修文館學士遷太子詹事碑

銜有祕書監傳所無也書者白義暉無攷碑叙行儼之曾祖安祖晟父神慶史俱無傳集古錄有乙速孤神慶碑跋云乙速孤氏在唐無顯人惟以其姓見于當時者神慶一人而已其先王氏太原人有闕文代祖顯為後魏驃騎大將軍賜姓乙速孤氏遂為京兆醴泉人曾祖貴隨河州刺史和仁郡公祖安隨益州都督父晟唐驃騎將軍神慶唐初仕三衛高宗時為太子右虞候副率以卒所載與此碑同而增多遠祖顯曾祖貴二人神慶之曾祖卽行儼之高祖也碑云公素無息允命昆弟之子令

從為嗣仕為太子通事舍人坐外氏累左除溱州扶驩縣令兩唐書地理志並無溱州扶驩縣之名惟元和郡縣志云蔡州古豫州之域漢立汝南郡宋文帝置司州魏太武改豫州周大象改舒州隋文改豫州仁壽四年改為溱州大業二年改蔡州三年罷為汝南郡武德四年復置豫州寶應元年復改蔡州是溱州之名僅一見于仁壽之時其後不置至扶驩縣則從無此名碑文所未詳也碑云夫人常樂縣君賀若氏宋公弼之姪孫開州刺史懷武之第六女弼為敦之子周書賀若敦傳敦子

彌敦弟誼官至柱國海陵縣公隋書賀若弼傳高
 祖時定三吳加位上柱國進爵宋國公大業三年
 從駕北巡坐私議得失為人所奏誅死妻子為官
 奴婢羣從徙邊此所稱姪孫及懷武不知是族姪
 孫抑或是誼之子孫事隔異代復歸內地而為行
 儼之夫人耶夫人以證聖元年卒先仁儼十三年
 碑云以景龍二年歲次景申二月辛卯朔十六日
 景午合葬景龍二年是戊申歲碑云景申者誤也
 碑書辛卯朔卯即酉字据十六日是丙午則朔日
 是辛卯文當作卯非辛酉也但以通鑑目錄證之
 是年二月甲子朔非辛酉亦非辛卯通前後考之
 惟聖歷元年戊戌歲二月是辛卯朔碑之誤又所
 未詳也碑云令葬于雍州醴泉縣白鹿鄉李中川
 先府君之塋次長安志醴泉縣唐十六鄉有白鹿
 長樂瑤臺修文四鄉餘不傳又云太宗昭陵在醴
 泉縣西北六十里九嶷山白鹿長樂瑤臺三鄉界
 又云九嶷山在縣西四十里其李中川無攷又据
 長安志昭陵圖陵北有三墓曰乙速孤晟墓曰乙
 速孤行儼墓曰乙速孤神慶墓自東而西三墓平
 列蓋晟為行儼祖神慶為行儼父碑所謂先府君

之塋次者是也此二墓官位亦不應在陪葬之列
碑本無陪葬之文不過墓地近昭陵之北耳長安
志圖誤列于昭陵圖內故孫觀察星衍醴泉縣志
昭陵陪葬考云善乎宮燿亮之言乙速孤父子墓
在叱干邨九嶼山後三十里不在昭陵一百二十
里墓田之內安得謂之陪葬也碑末題開元十三
年歲次乙丑口月景辰朔十六日辛未建距景龍
二年葬後十八年始取劉白二人舊所撰書而刻
之然攷通鑑目錄是年月朔無丙辰者丙辰朔已
見於上年閏十二月至是年二月已為乙卯朔但
据下云十六日辛未則朔是丙辰不誤又碑之所
未詳也

鄔國長公主碑

碑高一丈一尺六寸廣六尺一寸四分
二十三行行五十二字隸書在蒲城縣

大唐鄔國長公主神道碑銘

御書

中書令修國史上柱國兼燕國公張說撰

臣聞堯有娥英季九族之敦叙舜有宵燭動百里之光
曜大聖之後天必縱之積善之家神所慶矣豈唯上帝
之女雲漢為靈平王之孫肅邕其德連華前志代有其

人 皇唐鄜國長公主者 睿宗之第七女

也母曰崔貴妃構累聖而成門合濟羨而為室 蘊乾坤

之純粹演日月之清明神媛誕靈 常言所絕免懷之歲

天奪聖善不食三日哀比成人文母流胎教之慈

曾子得生知之孝由是宮闈延曠邦國遠聞玉笋耀首

油駢在馭錫之美地邑以荆山求之令族嬪于薛氏爾

其居玩圖史勤循灑度服其浣濯恭儉之教興鼓其瑟

琴敬讓之風被其行已也安親惠下之謂仁敬宗好合

之謂義降貴接卑之謂禮恕情周物之謂智推心而行

罔不該備其理家也視膳饗餼之均和主饋醢醢之品

齊絲竹七音之微靡纂組九華之縟麗經目所涉罔不

精詣每至三元上賀五日中參進對詳華折旋舒婉故

以式瞻貴里儀範通門如千花之泛惠風百卉之涵膏

露窈窕之宜克舉繁衍之福大來有男子四女子五瑤

碧生階芝蘭滿室者也習禮明詩日漸閨庭之訓銀章

艾綬地連恩澤之伏自先朝徹辰之辰迄公主成笄

之日外除過制內疚餘哀手寫金字梵經三部躬繡綵

線佛象二鋪貝葉真偈現心相於銀鈎蓮花妙容呈意

生於玉指孝思惟則道遠乎哉開元繼嗣推恩由已進

封鄜國長公主食邑一千四百戶出賦廣而彌儉禮秩

尊而益恭其後君子晨歌夫人晝哭未亡為稱生意盡
矣撫視遺孤將守栢舟之誓志祈剝落承從柰苑之遊

朝制斷恩改降鄭氏陵谷可易隨和之德不昧寒暑有

遷松竹之性如一均養七千麻蔭二宗汾陰之宰忘亡

榮陽之黨相慶既而善福虛應寢疾彌留盡國醫之伎

遠方畢至供御府之藥中使相望命之必至不可支也

堂色山林忽焉瘁色平陽歌舞適足愁人開元十三年

二月庚午薨于河南縣之修榮里春秋卅有七震悼

紫庭哀傷朱邱傾家若隊舉國同悲有詔

光祿卿孟德監護喪葬京兆少尹能延休副焉窳窳之

禮一如涼國長公主故事夏四月恩旨陪葬于

橋陵不祔不從古之道也皇上念同氣

之懿美感閭川之永謝恨棟華之半缺瑶草之先化

乃命國史昭銘懿迹降恩禮於雲露寫哀詞於

金石水非湘渚還起帝子之詞由是洛陽即封天妹之

塚銘曰

帝系白雲僊源紫氣漲家成國承天作貴赫赫

聖祖曰文曰武皇皇睿宗一變萬邦挺生淑媛

慈和孝恭清曠如神娥眉無雙邱第立官湯沐建封年

及笄總禮施環珮鳴鳳獻祥乘龍擇對帝唐降女天乙

歸妹珠玉過庭蘋蘩正內蛟門早闋龍湖忽上無地何

載無天何仰金澱書經華絲繡偽欲報之德昊天罔極

孰是言歸良人永違銀鑪煙斷羅幕霜飛懇願毀形託

身壞衣不諒人只改嬪他士稟命曰從從人曰順息媯

繩楚懷羸霸晉反經合權與道同韻燠休二室均歡等

潤四海謚清九族和平萬物向榮衆雖未成心戀盛明

形隨落英祖載鼎城歸窆咸京挽歌敷聲鹵簿凶行哀

哀情惻惻同生橋山斤石千秋令名

右碑題云大唐鄆國長公主神道碑銘明皇隸書撰

文姓名殘泐而在中書令修國史等字宰相表開元

十三年張說以右丞相兼中書令則撰文者必說也

碑云公主睿宗之第七女而新唐書傳云第八女與

碑異又云母崔貴妃薨公主方三歲不食三日哀如

成人下嫁薛儆又嫁鄭孝義皆與碑同碑云求之令

族殯于薛氏有男子四女子五又云改嫁鄭氏均養

七子休蔭二宗云云夫公主改適名節所繫而當時

大臣勒諸碑板恬不知耻至于乃爾可深嘆也金石錄補

公主睿宗第八女碑云弟七者以安興昭懷蚤死故

也公主崔貴妃所生始嫁薛儆又嫁鄭孝義前有子

四後有子三碑皆不諱今碑殘缺文載唐文粹甚詳

大概皆與史合惟言食邑一千二百戶為稍異耳亦

無足重輕也關中金石記

按此碑文苑英華唐文粹俱載其文今取兩書互

勘碑云母曰崔貴妃唐書同文粹誤作崔國妃絲

竹口音之微靡音上碑泐一字英華作七音文粹

又作五音互異食邑一千四百戶唐書同英華文粹

俱作二百戶堯于河南縣之修榮里兩書俱作修

業里光祿卿孟德兩書俱作孟禮京兆少尹兩書

無少字能延休能姓不多見史惟唐書孝友傳有

能君德鄭縣人又見于正字通者唐有能延壽能

元皓宋有能迪此延休或與延壽同弟兄歎下云

金澱書經文粹同英華作金殿按此即謂手寫金字

梵經澱有泥滓之義金澱猶言泥金也對下文華

絲繡像則澱字為是歸寧咸京英華同文粹作歸寧

此皆互異者其餘小有異同不足論也文云錫之

美地邑以荆山開元繼照推恩由已進封鄆國長

公主語與史合蓋荆山為睿宗時始封鄆國為開

元初進封也鄆國即新息縣鄆與息通用春秋哀

十年公會吳伐齊南鄙師于鄆註鄆齊地漢書地

理志作息孟康注曰故息國後徙東故加新鄆今

汝南府息縣卽息地唐書地理志武德四年置息州貞觀初廢爲縣屬河南道蔡州汝南郡

述聖頌

碑高六尺五寸七分廣三尺四寸十九行行三十七字正書在華陰縣岳廟

述

聖頌并序

京兆府富平縣尉達奚珣撰序

左補闕集賢殿直學士呂向撰頌并書

曰懸象著明莫大乎日月

我聖人之文也發祥

隕祉莫大乎神祇文之所繇興也原夫天作太華氣雄
群山乘靈伊何受命如嚮自神元之所開拓虞帝之所
巡遊祀典雖存宏圖蓋闕洞陰陽之不測其惟

大聖歟於是乎藻翰白天發揮神化建碑于廟以光寵
焉乃命朝英實司其事經始勿亟庶人子來徒觀其神
輸坤瓊美石次玉追琢之際厥聲泠然磨礱之後其光
洞納樹之平地疑若斷山六龍盤薄紉其上群神離立
負其下藝事旣畢

宸章乃開竊以洪鑪大造之

時天動地業祕錄聿來之日風搖雲起詞義至廣含元
氣而運行翰墨至精吐奎星而飛動剛柔相錯神妙無
方合而五光照離而萬象列宇宙之間口如也繇是發
巖巒之氣色益祠廟之風稜不怒而威有來加敬蓋曰

大君之一顧也寵秩榮幸不其至哉初有司以
法駕時巡路直茲地將選巨石先期虛功

天意若曰夫人神之主也嚴神以爲人也今稽事未已
工徒復興人償失業神將何據方待歲暮以須後圖粵
若碑版業乎刊刻通其變則人不倦節其用而財不傷
俾夫役者逸於從事 天之臨下其道有共曲成

万物何注非宜時厥使臣乃昌言曰國之大事在祀神
之所歆在德以德舉事 吾君有光比夫周銘弁

山存乎車轍馬跡漢祠少室蓋欲遙興輕舉至誠逮下
可同年而道口頌聲未作詞客之過小人固陋遊聖難
名實賴文宗維其不逮敢託呂補闕向爲之頌云

天輔

聖德配極而崇帝者祖予神行

慈

百布澤而洽人之父子叶命高嶽喻壽其齊招靈祐予
飛文孤標灑翰又類使物觀予騰雄激烈交天聲芬偃
上古予發潤飄清摠此光氣覆下土予探異閱妙意力
猶懸空作矩予徵注到口辭聽相授無與伍予

碑在華陰縣岳廟中達奚珣撰序呂向撰頌并書不
著年月攷呂向開元中召入翰林此碑稱集賢殿直
學士當是開元中立碑云藻翰白天發揮神化建碑
于廟以光寵焉又云樹之平地巖若斷山六龍盤薄

紉其上羣神離立負其下當是頌元宗所建華岳碑也今其碑已裂跌尚存如山上存二字大可徑四寸許分隸不減太山銘而呂向此書尚完在一道士院中向書昔人稱其草隸峻巧又能一筆環寫百字號

連綿書 石罌 鐫筆

碑陰上方有韓賞告嶽神文韓擇木八分書下方有大歷九年華陰令盧朝徹謁嶽廟文有貞元九年十三年題名左旁有乾元二年張惟一祈雨記右旁有上元元年華陰縣令王宥等題名李樞書上為篆下

為八分 金石文 字記

元宗所建華嶽碑已燬尚存塊石巋然如山頌稱其光洞納不可復見至云嶷若斷山真成碑識又云羣神離立負其下髮髯猶存尚餘兩字徑數寸甚奇偉飛動恍如龍翔鳳舞昔向曾以美人賦諫幾死張說為請即拜補闕賜銀章朱紱不可謂不遇也建碑時

帝侈心既萌且謂岳神來迎頌不以諷何也

金石史

頌以述聖名者以元宗有西嶽碑銘因述而頌之也元宗銘曰十有二載孟冬之月步自京邑幸于洛師停鑿廟下以唐本紀攷之即十二年十一月庚午如東都事碑云孟冬史云十一月微有異向本傳叙向

以開元十年召入翰林院兼集賢院校理擢左拾遺
進左補闕帝爲文勒石西嶽詔向爲鐫勒使以起居
舍人從東巡元宗之封太山在十三年十一月案孫
逖有春初送呂補闕往西嶽勒碑詩是向以是年春
奉命華山後卽從往太山矣攷會要華嶽碑十三年
七月七日成則向之進起居舍人卽以鐫勒功而從
太山在七月後更可知又向本傳不及向爲集賢殿
直學士趙冬曦傳云冬曦與秘書少監賀知章校書
郎孫季良大理評事咸廩業入集賢院修撰是時翰
林供奉呂向爲校理踰年並爲直學士此史家互見
之例非缺略也但云踰年並爲直學士而集賢院卽
以十三年改名此碑立于十三年六月則向之爲直
學士猶未踰年矣珣後由御史爲河南尹從祿山爲
右相至德二年伏誅趙氏金石錄置此于開元無歲
月諸碑內因未見額陰所題故也

關中全石記



金石萃編卷七十五終

金石萃編卷七十六

賜進士出身 誥授光祿大夫刑部右侍郎加七級王昶撰

唐三十六

漢鄭康成碑

碑不連額高七尺餘廣四尺餘二十九行行七十九字正書篆額今在高密縣鄭公祠

後漢大司農鄭公之碑

唐銀青光祿大夫使持節邢州諸軍事邢州刺史上

柱國琅琊郡開國男史丞節撰

夫囊括宇宙者文字發明道業者典墳所以聖人作而萬物觀賢人述而百代通禮樂得之以昭明日月失之

而蹇忒宣尼彰刪緝之功秦始速焚燒之禍迨乎羣儒
在漢傳注瑤口莫不珠玉交輝纖微洞迹同見集於芸
閣獨有輟於環林豈若經教奧義圖緯深術兼行者多
無如我鄭公也公諱麴字康成北海高密人也八世祖
崇哀帝時爲尚書僕射公少爲鄉嗇夫不樂爲吏遂造
太學受業師事京兆第五元始通京氏易公羊春秋三
統躡九章算術又從東郡張欽祖受周官禮記左氏春
秋韓詩古文尚書攝齋問道摠衣請益去山東而入關
右因盧植而見馬融考論圖緯乃召見而升樓精通禮
樂以將東而起歎三載在門十年歸邑及黨事起遂杜
門不出隱修經業於是鍼左氏之膏肓起穀梁之廢疾
而又操入室之戈矛發何休之墨守陳元李育校論古
今劉瓛范升憲章文議何進延於几杖經宿而逃袁隗
表爲侍中緣喪不赴孔融之相北海屣屐造門陶謙之
牧徐州接以帶禮比南山之爾時鄉曰鄭公類東海之
于君門稱通德漢公車徵爲太司農給安車一乘所過
長吏送迎公乃以病自乞還家董卓遷都長安公卿舉
公爲趙相道斷不至會黃巾寇青部乃避地徐州建安
元年自徐州還道遇黃巾賊數萬見公皆拜相約不敢
入縣境時大將軍袁紹總兵冀州遣使邀公大會賓客

迺延升上坐身長八尺飲酒一斛秀眉明目儀容溫偉
客多豪雋並有才說見公儒者未以通人許之競設異
端百家互起公依方辨荅咸出問表皆得所未聞莫不
嗟服時汝南應劭亦歸於紹因自贊曰故太山守應仲
遠北面稱弟子何如公笑曰仲尼之門考以三科回賜
之徒不稱官闕劭有慙色門人相與撰公荅諸弟子問
五經依論語作鄭志八篇公所注周易尚書毛詩儀禮
周官禮記孝經尚書大傳中候乾象驛又著天文七政
論魯禮禘祫義六藝論毛詩譜駁許慎五經異義荅臨
孝莊周禮難凡百餘萬言經傳洽熟稱爲純儒其所撰
注今並通習是知書有萬卷公覽八千也齊魯間宗之
公後嘗疾篤自慮以書戒其子益恩曰吾家舊貧爲父
母羣弟所容去廝役之吏游學周秦之都往來幽并充
豫之域大儒得意有所受焉遂博稽六藝粗覽傳記時
窅後舉方正賢良有道辟大將軍三司府公車再徵比
牒併名早爲宰相惟彼數公懿德大雅克堪王臣故宜
式叙吾自忖度無□□□□□□□□□□之元意思整百
家之不齊亦庶幾以竭吾才故聞命而從而黃巾爲害
萍浮南北復歸鄉邦入此歲來已七十矣宿素衰落仍

有失誤案之禮典便合傳家今我告尔以老歸爾以事
將閑居以安性覃思以終業自非拜國君之命問族親
之憂展敬墳墓觀省野物胡嘗扶杖出門乎家事大小
汝一承之咨爾熒熒一夫曾無同生相依勗求君子之
道研鑽勿替敬慎威儀以近有德顯譽成于僚友德行
立於己志若致聲稱亦有榮於所生可不深念耶可不
深念耶吾雖無紱冕之飾亦有讓爵之高自樂以論贊
之功庶不遺後人蓋凡某所憤憤者徒以吾親墳壠未
成所好羣書率皆腐弊不得於禮堂寫定傳與後人日
西方暮其可圖乎家今差多於昔勤力務時無恤飢寒
菲飲食薄衣服節夫二者尚可令吾寡恨若忽忘不識
亦已焉哉又年春夢孔子告之曰起起今年歲在辰來
年歲在巳既寤以識合之知命當終有頃寢疾享年七
十有四以其年六月卒道今薄葬自郡守以下嘗受業
者綴經赴會千餘人迺葬於高密縣城西北一十五里
礪阜山之原嗚呼哀哉有子益志孔融在北掾舉爲孝
廉及融爲黃中所圍遂恐難隄身有遺腹子公以其手
文侶己名曰小同精通六經鄉人尊之時爲侍中嘗詣
司馬文王文王有密疏未之屏也如廁還問曰卿見吾
密疏乎荅曰不見文王曰寧我負卿無卿負我致鳩而

卒悲夫自夫子沒後大道方器公之網羅遺興探蹟今
猶特立鬱然時季途屯志不苟變全身遠害猗歟美歟
及范曄作論有曰王父豫章君每考先儒經訓長於公
常以爲仲尼之門不能過也及傳受生徒專以鄭氏家
注云晉中興戴逵字安道以鷄卵汁澣白瓦屑爲公作
碑手自書寫文□□□語亦妙絕年代古而碑闕亡德
音負而詩書在承節以萬歲通天元年奉勅於河南道
訪察觀風省俗激濁揚清行至州界見高密父老云鄭
先生漢代鴻儒見無碑記不以庸妄遂託爲文往以會
府務殷□無暇景歲序遷貿執筆無由今者罷職含香
忝居分竹屬以閑隙乃加修撰者舊者惟聞其名後生
者不覩其事今故尋源討本握槩懷鉛無疏本傳之文
並序前言之目發九泉之冥昧播千載之□□翦以繁
華不爲雕飾文先成說石又精磨碑未建而承節卒正
議大夫使持節密州軍州事刺史上柱國鄭沓以開元
十三年秋八月巡茲屬縣敬謁先宗欽承墳墓之間籌
度碑石之側公心至清不欲費□公性至靜不欲勞煩
迺命叅軍劉肅校理舊文規模新勒未間肅又罷職仍
令終事冬閏十二月公伺其歲隙因遣巡團便令建立
惠而不費允協人神承節銘曰

煥乎人文圖籍典墳煩亂事翦定自孔君中途湮沒秦
帝俱焚漢興儒教鄭氏超羣膏腴美地簪紱宏規裔夫
罷署京兆尋師中候乾象左氏韓詩雖稱積學殆若生
知公之挺生大雅之懿囊括墳典精窮奧秘六藝殊科
五經通義小無不盡大無不備好學慕道深思遠慮來
往周秦經過充掾侍中不仕同農罷署盧植東遇馬融
西去作者謂聖述者謂明躬違三辟門傳五更周官東
部漢躋西京白玉遍地黃金滿籛占卜潛橋行途過沛
陶謙師友孔融高蓋山營蠻屏草生書帶七十歸老三
年赴會經傳洽熟齊魯攸宗爵祿不受贊論爲功禮樂
今去吾道皆東類于標德比皓稱公閭尹擅貴禁錮連
年乃逢宵罪方從舉賢南城避難東萊假田誕膺五百
終覽八千今年在辰來年在巳嗚呼不愆于嗟到此勞
我以生息我以死道該八索神交千祀離水之曲礪阜
之陽通德爲里鄭公爲鄉雲愁廟古月暗墳荒舊碑先
沒新石再彰詞愧黃絹心淒白口明於不朽終古騰芳
鄉貢進士口安中書丹

徵事郎前行密州高密縣主簿兼管勾常平倉事綦
口裔篆額

大金承安五年歲次庚申三月一日勒成

紫淵立石

濰陽劉元紀仙本店于全刊字

漢高密鄭司農祠墓在濰水旁礪阜山下承祀式微不能捍采樵者濰沙乘風內侵其深及牆祠宇頽沒元率官士修之祠南門外積沙深遠遂改門東向植松楊行栗于西南以殺風勢修齊正殿改書木主增建旁屋三楹爲官吏祭宿地建坊書通德門以復孔文舉之舊祠外田廬號鄭公莊者三散據高密安邱昌邑三縣地鄭氏苗裔百數十人居之務農少文而譜系世守猶可考擇其裔孫憲書請於禮部劄爲奉祀生給田廬使耕且讀是役也掘沙之工半於土木趙商漢碑見於著錄今求之不得得金承安重刻唐萬歲通天史承節所撰碑搨其文讀之知承節之文乃兼取謝承諸史非蔚宗一家之學其補正范書昭雪古賢心迹非淺也碑文凡二十九行字徑八分承節以萬歲通天元年奉勅於河南道訪察至高密因父老之請爲文文成未書碑而卒開元十三年八月密州刺史鄭杳始命參軍劉勰刻石于墓唐所刻石今無存賴金承安五年三月所重刻知之據金石錄云承節碑乃雙思貞行書今金碑改爲正書削唐人

書碑舊名然其文則皆因唐舊無所竄改元以范書
鄭康成列傳校之傳先始通京氏易碑無先字傳東
郡張恭祖碑作欽祖傳徵爲大司農及與袁紹之會
數事碑並次於與子益恩書前傳故太山太守應中
遠碑作太山守傳所注周易尚書毛詩儀禮禮記論
語孝經碑多周官無論諸傳荅臨孝存碑作孝莊傳
不爲父母羣弟所容碑無不字傳獲覲乎在位通人
處逸大儒咸從捧手有所受焉碑省其文作大儒得
意有所受焉傳乃歸供養碑作乃歸鄉傳遇閻尹擅
勢坐黨禁錮碑載其事入銘辭中傳舉賢良方正碑
作方正賢良傳公車再召碑作再徵傳其勗求君子
之道碑無其字傳末所憤憤者碑作凡某所憤憤者
傳亡親墳壟未成碑作吾親凡此異同比而核之可
釋學者積疑蓋有三焉司農戒子益恩書乃歸老疾
篤時事故宜在漢公車徵爲大司農及袁紹邀至冀
州諸事後而范書反載書文於前使事蹟先後倒置
一也所注儀禮周官禮記范書無周官案司農周官
注完善無缺世所共學而范書遺之二也爲父母羣
弟所容者言徒學不能爲吏以益生生產爲父母羣弟
所含容始得去厠役之吏游學周秦故傳曰少爲鄉

晉夫得休歸常詣學官不樂爲吏父數怒之夫父怒之而已云爲所容此儒者言也范書因爲父怒而妄加不字與司農本意相反三也至於易恭祖爲欽祖者金避顯宗允恭諱也孝存作孝莊者唐碑本行書石或剝落金時不省而誤存爲莊莊爲漢諱未有不避者其他異同與范書可互校正故急表而錄之以告同志鄭杳見宰相世系表北祖房官至婺州刺史劉肅亦見表彭城房官至汴州刺史

山左金石志

按碑文云八世祖崇哀帝時爲尚書僕射漢書鄭崇傳崇字子游高密大族少爲郡文學史至丞相

大車弟立與高武侯傳喜同門學相友善喜爲大司馬薦崇哀帝擢爲尚書僕射碑又云公少爲鄉嗇夫漢書百官公卿表鄉有嗇夫職聽訟收賦稅碑又云師事京兆第五元始通京氏易公羊春秋三統歷九章算術後漢書無第五元傳其通京氏易僅見此碑諸書論經學源流者未之及也隋經籍志但有鄭元周易注九卷而于京氏易別無著述則元之通京氏易亦僅見此碑其爲公羊春秋也隋志有何休公羊墨守十四卷與左氏膏肓十卷穀梁廢疾三卷並列之陳振孫書錄解題云鄭

康成因作鍼膏肓起廢疾發墨守排之卽碑下文所謂鍼左氏之膏肓起穀梁之廢疾而又操入室之戈矛發何休之墨守者是也隋志又有駁何氏漢議二卷叙一卷其曰三統歷則隋志有二部一曰三統歷法三卷劉歆撰梁有今亡一曰魏甲子元三統歷一卷鄭氏之所通者殆劉氏本也其曰九章算術晁公武讀書志有九章算經九卷未詳撰人姓氏或曰周公撰魏劉徽唐李淳風嘗爲之注則此術起于漢之前鄭氏所通者或卽此也碑又云從東郡張欽祖受周官禮記左氏春秋韓詩古文尚書隋志有鄭氏周官禮注十二卷而不見有張欽祖周官之論著卽鄭自述云世祖以來通人達士大中大夫鄭少巖及子大司農仲師議郎衛次仲侍中賈君景伯南郡太守馬季良皆作周禮解詁而獨不及張欽祖其禮記以下則隋志有禮記注二十卷七錄有春秋左氏分野十二卷春秋十二公名一卷其於詩則隋志有毛詩箋二十卷陸德明云鄭氏作箋申明毛義以難三家于是三家遂廢朱子亦曰詩自齊魯韓之說不得傳而天下之學者盡宗毛氏毛氏之學傳者亦衆而今

金石志卷之二十一
皆不存則推衍其說者獨鄭氏之箋而已則是鄭學宗毛而廢韓者碑獨舉韓詩何也其于書則有尚書注九卷尚書大傳注三卷尚書音一卷隋志謂梁陳所講有孔鄭二家齊代惟傳鄭義至隋孔鄭並行而鄭氏甚微碑所叙鄭氏之經學與諸著錄參校有同有異如此其餘碑傳互異之處山左金石志已詳放於前不更贅云

紀太山銘

摩崖高二丈六尺廣一丈五尺二十四行行五十一字額題紀太山銘四字並隸書惟御製御書四字及末行年月並正書在泰山東嶽廟後石崖南向

紀太山銘

御製御書

朕宅帝位十有四載顧惟不德愔于至道任夫難任安夫難安茲朕未知獲戾於上下心之浩盪若涉於大川
賴 上帝垂休 先后儲慶宰衡

庶尹交修皇極四海會同五典敷暢歲云嘉孰人用大和百辟僉謀唱余封禪謂孝莫大於嚴父謂禮莫尊於告天天符既至人望既積固請不已固辭不獲肆余與夫二三臣稽虞典繹漢制張皇六師震疊九寓旌旗有列士馬無譁肅肅邕邕翼翼溶溶以至于代宗順也爾

雅曰太山爲東嶽周官曰兗州之鎮山實惟天帝之孫
羣靈之府其方處萬物之始故稱岱焉其位居五嶽之
伯故稱宗焉自昔王者受命易姓於是乎啟天地薦成
功序圖錄紀氏号朕統承先王茲率厥典實欲報躋天
之眷命爲蒼生之所福豈敢高視千古自比九皇哉故
設壇場於山下受羣方之助祭躬封燎於山上奠一獻
之通神斯夫因高崇天就廣增地之義也乃仲冬庚寅
有事東嶽類於上帝配

祖在天之神网不畢降粵翌日禪於社首侑我聖考祀
皇祇在地之神网不咸舉暨壬辰觀羣后

上公進曰天子膺天符納介福羣臣拜稽首千萬歲慶
荅歡同陳試以德大渾叶度彝倫攸叙三事百揆時
乃之功萬物由庚兆人允植列牧衆宰時乃之功一二
兄弟薦行孝友錫類萬國時惟休哉我儒制禮我史作
樂天地擾順時惟休哉蠻夷戎狄重譯來貢

累聖之化朕何慕焉五靈百寶日來月集會昌之運
朕何感焉凡今而後倣乃在位一王度齊象灋推舊章
補缺政存易簡去煩苛思立人極及見天則於戲天生
蒸人惟后時又能以美利利天下事天明矣地德載物
惟后時相能以厚生生萬人事地察矣天地明察鬼神

著矣惟我藝祖文考精爽在天其曰懿余
幼孫克享上帝惟帝時若馨香其

下丕乃曰有唐氏文武之曾孫隆基誕錫新命纘戎舊
業永保天祿子孫其承之余小子敢對揚

帝之休命則亦與百執事尚綏兆人將多于前功而志
彼後患一夫不獲萬方其罪予一人有終上天其知我

朕維寶行三德曰慈儉謙慈者覆無疆之言儉者崇將
來之訓自滿者人損自謙者天益苟如是則軌迹易循

基構易守磨石壁刻金記後之人聽詞而見心觀末而
知本銘曰

維天生人立君以理維君受命奉天爲子代去不畱人
來無已德涼者滅道高斯起赫赫

高祖明明太宗爰革隨政奄有萬邦罄
天張宇盡地開封武稱有截文表時邕

高宗稽古德施周溥茫茫九夷削平一鼓禮備封禪功
齊舜禹巖巖岱宗衍我神主中宗紹運

舊邦惟新睿宗繼明天下歸仁恭
己南面氤氲化淳告成之禮畱諸後人緬余小子重基

承永命至誠動天福我万姓古封太山七十二君或禪
五聖匪功伐高匪德矜盛欽若祀典不

奕奕或禪云云其迹不見其名可聞祇適

文祖光昭舊勲方士虛誕儒書齷齪佚后求僊誣神
檢玉秦災風雨漢污編錄德未合天或承之辱道在觀
政名非從欲銘心絕巖播告羣蠻

大唐開元十四年歲在景寅九月乙亥朔十二日景
成建

記太山銘者唐元宗皇帝御撰及書字徑六寸許雖
小變漢法而婉縟雄逸有飛動之勢余嘗登太山轉
天門則見東可二里穹崖造天銘書若鸞鳳翔舞於
雲煙之表爲之色飛既摩挲久之惜其下三尺許爲

揚工人惡寒篝火焚蝕遂闕百餘字傍有蘇丞相頌

東封頌正書閩人林焯以四大字刻其上惡札題名

縱橫漶滅不可讀悵然而下後人事事可憎殆不特

此兪州山
人藁

紀太山銘唐開元帝製及手書相傳燕許修其辭韓

史潤其筆以故文頗雅馴不猥弱予旣讀而愛之然

竊有慨于帝之侈心也木有蝕蠹入焉當時天下幾

小康帝意以前薄秦皇漢武不足道而不知太真林

甫國忠祿山之徒固已乘其侈而入之蠹矣繼得浯

州中興頌時置墨池傍闕之其治亂始末有大足相

發者噫嘻可畏哉

兗州山人
四部稿

莊周稱易姓而王封太山者七十二家勒石千八百餘處歷千萬禩而石礧玉牒後人莫得見其形兆果明神爲之守護邪祖龍肇始立碑久已埽迹兩漢迄唐間世一修時邁之典開元天子允文武百寮之請於十三年冬十一月式遵故實有事于太山詔中書令張說右散騎常侍徐堅太常少卿韋縉秘書少監康子元國子博士侯行果於集賢書院撰儀注己丑日南至法駕詣山下御馬以登行升中之禮天子製祀太山銘親札勒于山頂之石以十四年九月景戌

告成於是中書令張說撰封祀壇頌侍中源乾曜撰社首壇頌禮部尚書蘇頲撰朝覲壇頌趙明誠金石錄曰載太山銘側有題名三列今已亡之而頲頌授梁昇卿書判御製銘右明有俗吏以忠孝廉節四大字鑱其上頲文毀去者半可憾也山高四千九百丈二尺行旅出于塗者車前馬首仰視略可覩歲在己酉五宿茲山之麓未克叩天關陟環道手摸其文詢之野老必架木緣絕而上然後維拓功可施又山高多風兼慮日曝紙幅易裂若是其難也曩者先後裝界三本悉爲好事者所奪己丑夏同里沈秀才翼能

分書獲此本于白下雖有關文乃百年以前舊搨爰
審定而書其本末于冊尾

曝書亭集

唐太宗時羣臣請封禪不許曰卿等以封禪爲帝王
盛事朕意不然誠令天下乂安家給人足不封禪何
損今天下殫敵人物凋耗卽封禪愈靡靡矣昔秦始
皇封禪而漢文帝不封禪後世豈以漢文帝不及始
皇耶且古者事天掃地而祭天神降焉何必登太山
之巔封數尺之土然後展其誠敬乎已而羣臣請不
已許之魏鄭公獨爭以爲未可帝曰公不欲朕封禪
以功未高耶曰高矣德未厚耶曰厚矣以中國未安
四境未服年穀未豐天瑞符應未至耶對曰陛下兼
此而有之矣然則卿斷斷云不可封禪何也對曰陛
下雖有此六者然百姓當大亂之後戶口未復倉廩
尚虛呻吟未起而東巡卽供億煩費其未易任也且
陛下封禪萬國君長皆當扈蹕今伊洛以東至於海
岱灌莽極目此爲引戎入大腹中而示之以空虛况
賞資不豐則不能厭其望必豐之雖給復連年固不
償百姓勞矣崇虛名而受實害將焉用之帝大感悟
事竟寢鄭公匡救愷切當上心如此開元帝致治庶
幾貞觀不免侈心漸生姚崇旣死宋璟罷相張說處

中書文章信美矣骨鯁安敢望鄭公未幾林甫國忠
進而天下幾亡讀唐史至開元天寶之際恟乎有餘

憾焉

來齋金石
刻考略

碑在泰山之巔御製御書字大如掌摩崖勒石蓋自
漢以來碑碣之雄壯未有及者下載模糊百餘字當
由歲久水土侵蝕或為樵夫牧豎所擊傷王元美以
為搨工惡寒篝火燒殘之理傍有蘇丞相頽東封頌閩人
林焯竊朱子忠孝廉節四大字為己書鐫刻其上以
致損壞俗夫妄意畱名徒博千古笑罵可恨可恨

竹雲

題跋

碧霞廟北懸崖削壁為大觀峰一曰彌高殿有唐元
宗紀泰山銘世謂之摩崖碑高二丈九尺寬一丈六
尺七寸額高三尺九寸寬四尺開元十四年九月御
製八分書并題額字徑五寸額字徑一尺九寸濟南
府志碑下截剝落葉彬補書按彬所補百八字形似
小異後列從臣題名字差小好事者以古篆鑱毀猶
有開國公臣李仁德上柱國臣李元紘臣尉大雅臣
王敬之三十餘字空處亦有題名惟顏真卿題名已

亡

葦鉸泰山
道里記

紀太山銘以其文與舊唐書禮儀志參較朕宅位十
 有四載石本作宅帝位若涉大川石本涉字下多於
 字宰相庶尹石本相作衡禮莫尊於告石本禮字上
 多謂字告字下多天字震讐九寓石本作震疊以至
 岱宗石本至于多于字實萬物之始石本作實惟天
 帝之孫羣靈之府其方處萬物之始為蒼生而祈福
 石本而作之呼萬歲石本呼作千慶合歡同石本合
 作荅迺陳誠以德石本無迺字懿尔幼孫石本尔作
 余刻金石石本石作記冀後人之聽詞而見心石本
 無冀字又作後之人衛我神主石本衛作衍中宗紹
 運舊邦惟新石本於此下多睿宗繼明天子歸仁二
 句或禪亭亭石本亭亭作奕奕儒書不足石本不足
 作齷齪案文之異者容所據見或有不同若銘列志
 而獨遺睿宗則下文恭己無為正以睿皇禪位為詞
 若接屬中宗義便不相屬又儒書齷齪蓋指議封禪
 儒生所錄故以齷齪鄙之作史者嫌其過詆儒書遂
 刪易以不足當之斯不達其旨矣銘後題開元十四
 年銘叙又作十四載年載通稱互文非如天寶元年
 改年為載始有專名也

授堂金
石跋

此文唐書所載不全岱史及泰安志亦有駁異碑後

刻諸王羣臣題名凡四列字徑一寸四分有方界格
皆爲明人加刻大字橫貫交錯遂使湮毀無傳茲就
空隙處細爲審辨補圖于右庶使後之覽者得有依
據上列開府儀同下有憲字以唐書傳紀證之憲爲
睿宗長子讓皇帝憲也岐王臣範者睿宗第四子本
名隆範後避元宗雙名改稱範睿宗踐祚進封岐王
太子下空五格存業字睿宗第五子本名隆業後亦
改單名睿宗時進封薛王開元八年遷太子太保是
缺處當作太保薛王臣也司空邠案章懷第二子名
守禮神龍中遺詔進封邠王先天二年遷司空後以

開元二十九年薨司空邠下字雖殘闕爲守禮無疑
元宗紀開元十三年改幽州爲邠州此刻於十四年
故從新改作邠下王臣涓卽鄂王涓元宗子初名嗣
初後改名瑤仁王臣江恐是儀王臣濰元宗子璿初
名維求王口下案元宗子璘封永王初名澤殆卽其
人口王臣清元宗第十八子瑁初名清封爲壽王也
延王臣下祇存口初案元宗第二十子玢初名洞封
延王盛王臣沐元宗第二十一子沐封盛王改名琦
嗣韓王臣訥宗室世系表有嗣韓王太僕卿訥以上
諸王名號皆與史傳合後段姓名可辨者惟盧從愿

盧龍秀二人龍秀附見唐書桓彥傳中宗時官監察御史傳作襲秀當依石刻為正次列可辨者庭珪李仁德庭珪闕姓殆即張庭珪也三列姓名皆殘毀四列有李元紘孫元慶陸去泰尉大雅王敬之譚崇德諸銜名案本紀十四年四月丁巳戶部侍郎李元紘同中書門下平章事碑稱遙知造碑使者似非扈從之臣陸去泰附見唐書儒學褚无量傳歷官左右補闕內供奉今銜名存左補二字正相合也

山左金石志

按此碑磨崖高約三丈椎拓不易故流傳者少今所得搨本文字完善惟人望既積望字在地之神之字多于前功前字俱半缺震疊九寓寓字至于岱宗岱字俱全缺此五字之外他無缺也蓋皆為葉彬所補足王元美王良常所見皆謂缺百餘字尚是未補足之本也不知此五字是補後缺耶抑先已缺耶文之見于史籍者若舊唐書載此文其字句不同之處授堂已校之詳矣外如冊府元龜載此文朕宅帝位十有四載無帝字故設壇場于山下至上帝之休命共剛去三百七十餘字直云故設壇場荅休命予一人有終人作心刻金記記作字後之人上多冀字睿宗繼明二句全無儒書

齷齪作儒書不足誣神檢玉誣作巫又唐文粹載此文歲云嘉孰嘉作再旌旗有列旗作旅以至于岱宗順也順作頂自昔王者受命易姓作曰昔者受命易姓類於上帝作類于昊天上帝羣臣拜稽首千萬歲作羣臣拜手稽首稱千萬歲篤篤行孝友作篤以齊象法作齊衆法存易簡作存簡易地德載物作坤厚馨香其下丕乃曰無下字有唐氏文武之曾孫隆基誕錫新命作會我之文武曾孫其誕錫新命續戎舊業戎作我予一人有終人作心奉天爲子作奉爲天子衍我神主作衍我元神或禪奕奕作或禪社首其不同又如此冊府不同者或傳刻有脫誤不足深論文粹之不同則似當時從唐人別本集錄者如曾孫隆基是元宗御名此是述藝祖文考語意故直書帝名至文字傳寫則避而改易其迹顯然然他處亦有臆改而與碑不合者銘序全用對偶體類于上帝與下配我高祖爲偶不應增昊天二字羣臣拜稽首千萬歲對上天子膺天符納介福不應增乎稱二字馨香其下對上惟帝時若爲言若刪下字其字屬下句矣奉天爲子對上維君受命不應作奉爲天子衍我神

主與上周溥一鼓舜禹叶合為四韻若作元神則上少一韻下文維新等多一韻矣或禪奕奕對或

禪云云奕奕似詩所謂奕奕梁山也亦不必改社首凡此若不据碑以正之則石本既艱于流傳而

誤書反垂諸日久承訛襲謬伊何底耶此外如岱史泰安志之互異其書視冊府文粹不啻曹檜之

比無足辨也碑云百辟僉謀唱余封禪固請不已固辭不獲舊唐書禮儀志新書不詳開元十二年文武

百寮朝集使皇親及四方文學之士皆以理化昇平時穀屢稔上書請修封禪之禮并獻賦頌者前

後千有餘篇元宗謙沖不許中書令張說又累日固請乃下制從之冊府元龜開元十二年閏十二

月辛酉文武百官吏部尚書裴濯等上請封東嶽帝手詔報不允甲子侍中臣乾曜中書令臣說等

奏請帝又手詔報不允乾曜說等又上言又詔報不允乾曜說等又再上言時儒生墨客獻賦頌者

數百計帝不得已下詔從之碑又云肆余與夫二三臣稽虞典繹漢制張皇六師震疊九寓旌旗有

列士馬無譁肅肅邕邕翼翼溶溶以至于岱宗順也禮儀志云詔中書令張說右散騎常侍徐堅太

常少卿韋縉秘書少監康子元國子博士侯行果等與禮官於集賢書院刊撰儀注冊府元龜又載四門助教施敬本駁奏舊封禪禮八條元宗令張說徐堅召敬本與之對議詳定禮儀志又云十三年十一月丙戌至泰山壬辰元宗御朝覲之帳殿大備陳布文武百寮二王後孔子後諸方朝集使岳牧舉賢良及儒生文士上賦頌者戎狄夷蠻羌胡朝獻之國突厥頡利發契丹奚等王大食謝颺五天十姓崑崙日本新羅靺鞨之侍子及使內臣之番高麗朝鮮王伯濟帶方王十姓摩阿史那興昔可汗三十姓左右賢王日南西二鑿齒雕題牂柯烏訥之酋長咸在位冊府元龜己丑日南至帝備法駕登山旌旗天仗雲屯百餘里環衛于嶽下資治通鑑十月辛酉車駕發東都百官貴戚四夷酋長從行每置頓數十里中人畜被野有司輦載供具之物數百里不絕十一月丙戌至泰山下御馬登山畱從官于谷口考異曰實錄唐歷統紀皆云備法駕登泰山開天傳信記云上將封泰山益州進白騾上親乘之不知登降之倦碑又云庚寅有事東嶽類于上帝配我高祖翌日禪於社首侑

我聖考祀于皇祇禮儀志云庚寅祀昊天上帝于山上封臺之前壇高祖神堯皇帝配享辛卯享皇地祇于社首之泰圻壇睿宗大聖真皇帝配祀以上諸併碑與諸書參考雖各有詳略而皆合也又禮儀志載祀昊天上上帝于山上邠王守禮亞獻寧王憲終獻冊府元龜亦同文獻通考則云張說韋堅等議三獻禮上初獻邠王守禮亞獻宋王成器終獻新唐書三宗諸子傳高宗諸子章懷太子賢次子守禮唐隆元年進封邠王讓皇帝憲本名成器避昭成太后諡改今名唐隆元年進封宋王元宗討定蕭岑之難從王寧是寧王憲即宋王成器張說等議禮之時爲宋王成器及行禮之時爲寧王憲也冊府元龜又載帝在行宮致齋時有雉野鷄飛入齋宮馴而不去久之飛入仗衛忽不見邠王守禮等賀云云蓋守禮爲元宗之兄于諸王爲最長故用以爲亞獻且進賀亦以爲首也銘西側有從封諸王羣臣題名二王爵與名尚有存字可辨也

北嶽恒山祠碑

碑高一丈三尺六寸五分廣六尺六寸五分
廿二行行四十六字行書在曲陽縣北嶽廟
北嶽恒山祠碑并序

尚書兼□□□□平軍使

上柱國河東縣開國侯張嘉貞文皇書

有國者殷薦于天地望秩于山川故災沍不生矣有家

者嚴敬于鬼神克諧于禮樂故休祐斯應矣由是上下

交泰幽明相協五精同明辰為水其味鹹五鎮俱清恒

為冬其音羽大哉茲岳殊於衆山嵩華乃踞乎近甸衡

泰不踰乎方域孰與大包括綿長經綸中外外夷有四

昂宿主胡則延表以限之中郡有百寶符在代則高襄

以臨之其頂也上扶乾門黑帝之宮觀其足也下捺

軸驪神之都府豈止劈冀魏截幽燕拒洪河撐大策頽

洞合脊半天下之襟帶嵯峨巉崑一字內之標格者也

故知惟土有精惟山有靈眇眇冥冥其道至平其德至

貞氤氳馨馨日之不覩夫形耳之不聞夫聲陰陽不測

夫奧所以存象設建祠庭矣稽彼上古洎于中運五載

巡狩百神懷柔皇王令典以之叶祚數昌期以之永降

臻羸漢爰逮周隨匪侈匪虔或替或僭不勤于省者其

政缺非美而封者其事訛鳴戲黷祭虛陳昭靈罔荅更

張禮秩固待邕熙粵若我唐正百王頽教龔惟

我后揚五聖丕烈人祇允浹動植和暢乃藉北

鎮柴南壇碑西岳泥東岱是用告厥功祗其祀也故穰

穰禾福獲於彼嚳嚳衆心侯於此而今獫狁不熾已萬

餘辰邊隅於是乎靜雨雪其滂乃屢盈尺稼穡於是乎

豐豐以阜人靜以安俗俗安而人阜君睿而神

總惟神幽贊已成惟君能事斯畢北巡之禮胥

詠其蘇雖黜輅纁旗未由冬觀而圓珪方璧每自

天來或事舉必祈福行宜賽則有公卿而奉

新命也或四時薦熟三獻酌洗則有侯牧而率舊章也

非夫昭信雅直豈常享於明代哉是以河朔人

風潔誠而禱蠶穀者衆矣春終秣孟冬首三之月尤劇

嶺藁自羞若從官鍛樵蘇不禁孰能私伐蓋威靈感通

以致尔與其浮詔而求者異乎夫道莫先乎真政莫先

乎淳參造化以成萬物莫先乎神資帝王以富四粵莫

先乎人護神莫先乎君公理人莫先乎師長景寅歲乃

命菲才謬兼軍郡欽若明詔持兵導俗無敢懈

怠名山大川著乎典式靡不加敬於昭神復于岳之陽

伊岳致神伊神主岳高柯古榦幽蔚陰翳俯仰瞻對精

魂肅恭慄然何為故以嗟嘆嘆之不足於是詠哥哥以

發言言以彰德事可追於風雅詞無隱於聞見神而聽

之頌斯作曰
五宿熒煌風政休咎上見乎乾綱
我君順之祚

乃久考五宗盤薄陰化成敗下彰乎《絡》我君

欽之福乃不考天平地成神道助貞人事以寧考皇極

帝力神道助直人事以息考禎祥日新既祠既

禋國萬斯春考風雨時若是耕是獲家勤于作考至誠

神通考昭冥叶味至道默考對揚頌哥大恆如礪明德

惟峨

開元丁卯口口口口望立年考尚書名位太中大

夫行定州別駕上騎都尉盧國公李克嗣題

大宋宣和庚子歲庚辰月丙辰日人內供奉官王潭

被命為去威冬祀禮畢賁御香來謝嶽祠

因讀唐丞相張公所述碑數字剝落恐其漸就訛缺

迺將完本名刻工以碑口所有字補足之庶古跡自

茲復完云

恆山祠碑今在曲陽縣北嶽廟中舊唐書本傳嘉貞

為定州刺史至州於恆嶽廟中立頌自為文書於石

其碑用白石為之素質黑文甚為奇麗先是嶽祠為

遠近祈賽有錢數百萬嘉貞自以為頌文之功納其

數萬今白石碑尚在本傳又言嘉貞官至宰相不為

子孫立業豈好貨者乎或矜夸其文則有之然唐人

以文取錢未嘗以官取錢嘉貞於此又僅百而取一

古之疾也今也或是之亡矣

金石文字記

按此碑爲張嘉貞撰書前題云張嘉貞文泉書泉

卽暨字及也古文尚書舜典泉咎繇今文作暨史

記夏本紀蟻珠泉魚注古暨字也此云泉書與實

其濟寺碑懷暉及書同意碑題銜泐十餘字但存尚

書字平軍使上柱國河東縣開國侯字舊唐書張

嘉貞傳嘉貞

新書云字嘉貞

蒲州猗氏人開元八年累擢

爲中書侍郎同中書門下平章事加銀青光祿大

夫遷中書令十一年出爲幽州刺史明年復拜戶

部尚書兼益州長史判都督事又明年左轉台州

刺史遷工部尚書定州刺史知北平軍事累封河

東侯至州於恒嶽廟中立頌白爲其文乃書于石

新史不載立頌餘同卽此碑也据此則碑所泐者乃工部尚

書兼定州刺史北平軍使也碑文嘉貞書而文前

銜名及末年號爲李克嗣題此又書碑之變例也

碑文泐者三十餘字今檢唐文粹有此文校補增

注于旁文云景寅歲乃命菲才謬兼軍郡丙寅爲

開元十四年然則嘉貞之刺定州在開元十四年

而史于十一年之後兩稱明年似係十三年者有

踈略也碑題立于丁卯乃十五年

刺... 師... 開... 封... 縣... 濟... 齊... 廣...

金石錄編卷七十六終



